



浙江圖書館

浙江圖書館



浙江圖書館

周官精義目錄

地官

司徒

小司徒

鄉師

鄉老

鄉大夫

州長

黨正

族師

閭胥

比長

封人

鼓人

舞師

牧人

牛人

充人

載師

閭師

縣師

遺人

均人

師氏

保氏

司諫

司救

調人

媒氏

司市

周官精義

卷四

地官 目錄

一



質人 塵人 胥師 賈師

司璣 司稽 符 肆長

泉府 司門 司關 掌節

遂人 遂師 遂大夫 縣正

鄙師 鄼長 里宰 鄰長

旅師 稍人 麥人 土均

草人 稻人 士訓 誦訓

山虞 林衡 川衡 澤虞

迹人 巾人 角人 羽人

掌葛 掌染草 掌炭 掌茶

掌蠶 圉人 場人 廩人

舍人 倉人 司祿 司祿

春人 饔人 栗人

浙江圖書館藏

司馬府卷  
卷四  
地官 目錄

浙 江 圖 書 館

卷四  
周官精義  
卷四  
周官精義  
卷四  
周官精義  
卷四  
周官精義

周官精義  
卷四  
周官精義  
卷四  
周官精義  
卷四  
周官精義  
卷四

周官精義  
卷四  
周官精義  
卷四  
周官精義  
卷四  
周官精義  
卷四

周官精義卷四

頽川 連斗山叔度編次

地官司徒上

鄭氏鈔曰。所掌者教。而所經理者天下之土地。故為地官。所經理者土地。而所治者軍旅。

徒庶之政令。故又名之曰司徒。

惟王建國辨方正位。體國經野。設官分職。以為民極。乃立地

官司徒使帥其屬而掌邦教以佐王安擾邦國。

教官之屬。大司徒卿一人。

小司徒中大夫二人。鄉師下大夫四人。上士八人。中士十有六人。旅下士三十有二人。府六人。史十有二人。胥十有二人。徒百有二十人。

**地官**象地所立之官。司徒者。天下之徒皆為所司也。邦教即六典之教典。司徒之事莫大於教化。民得教化則

順其常而各得其性故曰安擾邦國安者  
因其性而導之擾者矯其習而馴之也。

**通論** 御案曰司徒會五地以辨物生相土宜以安民宅分三  
壤以均貢賦別年歲以制力役凡所以除民之害而厚其  
生者皆所以安之也十有二教三物八刑凡所以因事成  
正隨時讀灋皆所以擾之也安之中亦有擾擾之道卽所  
以爲安地官職事無外於此者

**通論** 御案曰成均所教秀民而已土地人民皆隸于地官而  
親民之吏屬焉必地官掌教乃能盡天下而無一人之不  
教教之大旨無非作其忠敬之心親遜之誼而其所以教



者即散著于祭祀喪紀昏完飲酒與夫頒職事起軍旅作田役此追胥令貢賦之內故詳攷州長至此長職事乃知地官所掌無一事之非教所以能盡天下之人而教之也大司徒之職掌建邦之土地之圖與其人民之數以佐王安擾邦國

**釋名** 土地之圖即今輿地之圖人民之數即今編戶人丁之數掌土地之圖則土會土宜土均之灋可施王國之地中可求邦國之地域可制掌人民之數則地守地職地貢之事可令萬民之卒伍可會都鄙之室數可制夫然後可以安擾邦國也

**論道** 孫氏之宏曰司徒之圖為安擾邦國設必度疆域之廣狹計五土之多寡凡土地所生風氣所宜則加詳焉司

馬職方之圖為禁暴平亂設。必記形勢險塞。可以講攻守之宜。道途通阻。可以達進退之便。凡居重而馭輕。避難而就易。則加詳焉。

以天下土地之圖。周知九州之地域。廣輪之數。辨其山林川澤邱陵墳衍原隰之名物。而辨其邦國都鄙之數。制其畿疆而溝封之。設其社稷之壇。位音而樹之田圭。各以其野之所宜。木遂以明其社與其野。

**注**

九州見職方東西為廣。南北為輪。凡此皆可以按天下

土地之圖而知之也。積石曰山。竹木曰林。注瀆曰川。水鍾曰澤。土高曰邱。大阜曰陵。水崖曰墳。下平曰衍。高平曰原。下濕曰隰。辨其名則知其所在。辨其物則知其所宜。辨之既悉而後可以辨外而邦國封建之數。內而都鄙采地之數。為益去山林川澤等處數。乃可得實地以封國邑也。

畿疆邦畿之疆界溝封者。身地為阻而起。土以為國。界社

畿疆邦畿之疆界溝封者穿地爲阻而起土以爲阻阻界社稷土穀之神蠶壇外四面之埒田主卽田正宜木如松栢栗之類樹之立木以爲表也。

**論**御案曰此下數節之綱俱蓋建土地之圖以辨五土之名物然後知廣谷大川異制民生異俗而施十有二教以一之然後知土地所宜五穀所殖而相民宅任地亨然後可以量地之肥瘠高下以制地征均地政然後可以求地中制地域以建王國侯邦造都鄙此建土地之圖所以爲大司徒之首務歟。

以土會古外切之灋辨五地之物生一曰山林其動物宜毛物

其植物宜阜物其民毛而方。二曰川澤其動物宜鱗物其植

物宜膏當作藥物其民黑而津。三曰邱陵其動物宜羽物其植

物宜覈音核物其民專同團而長。四曰墳衍其動物宜介物其植

物宜莢古協切物其民皙音錫而獠。五曰原隰其動物宜羸力果切

物其植物宜叢物其民豐肉。而庫音婢因此五物者民之當而

施十有二教焉

**補** 土土地會計也。總計天下之土地。定其數而辨其生。山林屬木。其毛物有狐貉之屬。阜物有柞栗之屬。其民多

毛髮而端方。川澤屬水。其鱗物有魚龍之屬。藥物有蓮芡之屬。其民多色黑而津潤。邱陵屬火。其羽物有雉之屬。

其覈物有梅李之屬。其民多團大而高長。墳衍屬金。其介物有龜鼈之屬。其莢物有齊棘之屬。其民多皙白而懼瘠。

原隰屬土。其羸物有羸。其藥物有萑葦之屬。其民

原隰屬土。其羸物有鼃蟪之屬。其叢物有萑葦之屬。其民多豐厚而短庠。蓋五行之精運于天。而其氣寓于地。人物遂稟是以生。是乃民所習以為常者。于是因其常而設以為教焉。

**綱論** 魏氏校曰：五地隨氣異形。氣行地中。人物之生。復隨形異稟。蓋天氣以為父。地質以為母。子肖母形。若多也。

**論** 鄭氏鏗曰：王制廣谷大川異制。民生其間。異俗剛柔輕重遲速異齊。五味異和。衣服異宜。修其教不易其俗。齊其政不異其宜。嘗疑施教之意。正欲移風易俗。乃曰不易。

何耶。及觀司徒因五物民之常而施。十有二教。然後知所當移易者。民風之薄惡。所不易者。土地之所宜。蓋生乎五地。見乎五物。習以為常。俗者。民也。不因其所宜而教之。曷所以擾之耳。

一曰以祀禮敬則民不苟。二曰以陽禮教讓則民不爭。三曰以陰禮教親則民不怨。四曰以樂禮教和則民不乖。五曰

以儀辨等則民不越六日以俗教變則民不愉音愉七日以刑

教中則民不音暴八日以誓教恤則民不怠九日以度教節

則民知足十日以世事教能則民不失職十有一日以賢制

爵則民慎德十有二日以庸制祿則民興功

**註**祀禮祭祀之禮陽禮鄉飲之禮陰禮婚姻之禮樂禮燕

享之禮儀節文俗民風刑以協民于中誓以勸民相恤

澹度所以教民儉世業所以教民能詔爵以德使民知勵

詔祿以功使民知勉此十二教兼禮樂刑政隨其地而施

勸導董戒之方也庶言其效蓋使職教者驗之於民以課教績之成否非徒為文具而已

**論**

御案曰人之形體各象五土而不能相同則氣亦各固

于其質而不能無異始于資稟成爲習俗先王辨其氣質

之各異而知其性命之本同故設為十二教以一之

以土宜之灋辨十有二土之名物以相民宅而知其利害以

阜人民以蕃鳥獸以毓音育草木以任土事辨十有二壤之物

而知其種以教稼穡樹藝

**注**以五行言之土祇有五以分野言之則上有十二次下有十二州凡十有二土焉以土宜之灋辨其名如白墳

黑墳之類辨其物如所植所產之類相視其地以定民居使知趨其所利而避其所害而後民始各得其所民各得其所然後人民可以阜動物可以蕃植物可以毓土事可以任焉然王事亦不可以漫任也又必辨其十二壤之性而知其種以教民稼穡樹藝蓋國以民為本民以食為天也

以土均之灋辨五物九等制天下之地征以作民職以令地

貢以斂財賦以均齊天下之政。

**雜**

五物五地所宜之物九等。上中下各三等也。地征貢賦稅斂之總名。五物九等既辨天下之地征可得而制矣。

民職即太宰之九職地貢即太宰之九貢財賦即太宰九賦之財。此皆均平齊一天下之政也。

**論**

御案曰辨五物九等各曰土均之灋者田有一易再易

地有五而當一十而當一必辨其等乃可均也九等常如

禹貢所差但禹貢是九州之等此則隨地而差之各有九

等耳。

以土圭之灋測土深止日景

音影下同

以求地中。日南則景短多

暑日北則景長多寒。日東則景夕多風日西則景朝多陰日



至之景尺有五寸謂之地中天地之所合也四時之所交也  
風雨之所會也陰陽之所和也然則百物阜安乃建王國焉  
制其畿方千里而封樹之

**注**王圭度名測猶度也地中天下四方之中也此言王者  
將建國都欲求四方之中正而以圭土之瀆下以度土  
深上以正日影而得天下之中也其瀆立一表于地上長  
八尺于夏至晝漏之半時用尺有五寸之土圭量表之日  
影若影與土圭等即地中也如影短于土圭是地于日為  
近南影長于土圭是地于日為近北如偏東于土圭如日  
之將夕是地于日為近東偏西于土圭如日之將朝是地  
于日為近西皆不得中也不得中則近南者多暑熱近北  
者多寒冷近東者多風霾近西者多陰雨皆不可以為王  
居也必影長尺五與圭相合乃為地中地中者是天地相  
合之處所謂天地所合也天地合則四時交而無寒暑之  
患風雨會而無多風之患陰陽和而無多陰之患斯真百

物阜安之所。乃王者之都也。于是制爲王畿地方千里。封土以爲界。而樹木以爲固焉。

**論**御案曰。測土深不可以淺深言。土圭之灋。乃求地中自

四邊向內。規方千里以爲王畿。又自王畿向內。以至將建王畿之地。而置表測景。以漸而進。故曰土深。若欲知地之高下。以制溝渠。而知土之淺深。則用匠人水地之灋。自近及遠。遞移其表。雖數千百里。可馴致也。

凡建邦國。以土圭土其地。而制其域。諸公之地。封疆方五百里。其食者半諸侯之地。封疆方四百里。其食者參同三之一。

諸伯之國。封疆方三百里。其食者參下同之一。

二百里其食者四之一。諸男之地封疆方百里其食者四之

一 疏 曰 諸 侯 之 地 亦 以 土 圭 測 之

**注** 日影移一寸則差千里。故建諸侯之國亦以土圭測之

其半謂自食其租稅之半。參之四之一。謂自食其三分四

分之一。其餘除山川附庸之外則為天子之貢與卿大夫

**親** 御案曰鄭氏眾主諸侯自食租稅而言鄭氏康成主天

子食之而言鄭氏錡主地之可食者而言從先鄭於文義

較妥但思公侯伯所轄甚大而實封居其一為附庸者二

子男所轄甚小而實封居其一為附庸者三是不可解也

鄭氏錡解與遂大夫辨其可食者合然除山林川澤在大國則可耕之地半在次國則可耕者僅三之一在小國則可耕者僅四之一亦不可通惟後鄭謂大國貢重小國貢輕于春秋傳子產所云列尊貢合但如其所云亦當言貢不當言食也周官所云者制其域也兼名山大川附庸間田在其封內者而言也顯與魯附庸而孔子曰在邦域之中是也所謂食者則其實封食其土利者也孟子言班祿則止計穀土而已如今大州縣包絡山川動數百里而計畝徵賦八籍者不過數十里周官孟子封國異數正類

此

凡造都鄙制其地域而封溝之以其室數制之不易之地家

百晦同一易之地家二百晦再易之地家三百晦

**注**上言王畿及諸侯邦國此更言畿內都鄙三等采地也。都鄙采地之總名。制地必有疆域而疆域則封土溝水以爲限。既有疆域則當授產而授產則依居室家數而不遺。但地有肥磽而投地亦有差等。如不易之地。歲歲可種者。是爲上地。則一家百畝。若一易之地。休一歲乃可復種者。是爲中地。則一家二百畝。至再易之地。休二歲乃可復種者。是爲下地。則一家三百畝。此皆造都鄙之法。王者平天下之道也。

乃分地。職奠地守。制地貢。而頒職事焉。以爲地澮。而待政令。

**注**自土會至此。皆經畫土地之事。所以爲安擾人民之本也。分地職。言其地所當承之職。任奠地守。言其地所嚴

禁之職守。制地貢。言其地所當賦之額數。必分之定之制之。而後可頒其職事焉。凡此皆為地之灋。以待朝廷之政令也。

以荒政十有二聚萬民。一曰散。利。二曰薄。征。三曰緩。刑。四曰

弛。

式氏切

力。五曰舍。

音捨

禁。六曰去。

羗呂切

幾。

同譏

七曰寄。

同省

禮。八曰

殺。所

界切

哀。九曰蕃。樂。十曰多。昏。十有一曰索。

音色

鬼神。十有二

曰除盜賊。

荒。凶年也。以救荒之政聚民。使不離散也。散。利發倉廩

**薄**。征輕賦。緩刑者。歲凶則犯灋者多。故寬之。弛力者。民飢則堪役者少。故息之。舍。山澤之禁。與民同其利。去門

關之征。使民得轉移吉禮。則省之。凶禮則殺之。藩。樂者。閉

其樂器而不作。多昏者。減其聘幣使及時。索。鬼神為民祈福。除盜賊為民去害也。

**論**

御案曰周官救荒之本唯在五黨相賙及令移民通財而耕九餘三家有益藏又相賙與通財之本此十二政乃臨時補救多方以求濟之事

**論**

呂氏祖謙曰救荒之政約而言之耕三餘一遇凶荒則賑發濟民上也平糶之政無損于國而大便于民次也所在蓄積有可通移又次焉設糜粥下也案金穰水毀水飢火旱或不可逃所恃以無恐者有救荒之政以聚之也大司徒度地授民不先以賦斂而首及荒政見先王以恤民為王耳

以保息六養萬民一曰慈幼二曰養老三曰振窮四曰恤貧五曰寬疾六曰安富

**通**

保息謂安之使蕃息也慈幼如產子三人與之母二人與之餼十四以下不從征是也養老如五十異糧七十

賜粟八十。賜帛是也。振窮謂鰥寡孤獨則收養之。恤貧謂  
困若艱阨則調給之。竟疾謂有病者不加以力。復安富謂  
家饒者不攘以暴斂也。

**論** 李氏觀曰：田皆可耕，桑皆可蠶，財皆可儲，貨皆可通，彼  
獨以是而致富者，心有所知，力有所勤，夙興夜寐，攻苦  
食淡，以趨天時，聽上令也。如此之民，反疾惡之，何哉？任之  
重求之多，勞必于是，費必于是，富者幾何其不轉而為貧  
也。使天下之富者皆轉而為貧，為之君者利乎否也。

以本俗六安萬民。一曰媿音美官室。二曰族墳墓。三曰聯兄弟。

四曰聯師儒。五曰聯朋友。六曰同衣服。

**論** 本猶根。以根本之俗安之，則民自鞏固而不可拔。棟宇  
以美其居，昭穆以合其葬，燕食以聯其恩，道德以聯其  
善。出入以聯其氣，制度以同其體。此六者皆所以安之也。

鄧氏元錫曰：保息本俗與八統九兩相為表裏。大宰執



**通論** 鄧氏元錫曰。保息本俗。與八統九兩相為表裏。犬宰執之為民治。司徒掌之為民教。皆所以約萬民于人道焉耳。

正月之吉。始和布教于邦國都鄙。乃縣同教象之灋于象魏。

使萬民觀教象。挾同日而斂之。

**注** 布教謂頒布十二教以下之事。于邦國之諸侯都鄙之卿大夫。

乃施始鼓切教灋于邦國都鄙。使之各以教其所治。直吏切民令

力營切五家為比。毗志切使之相保。五比為閭。使之相受。四閭

為族。使之相葬。五族為黨。使之相救。五黨為州。使之相賙。五

州為鄉。使之相賓。

**通**大司徒主六鄉。故令六鄉之內，使五家為一比，使相保  
不為過。二十五家為一閭，使相愛不得辭。一百家為一  
族，使相葬以貲助。五百家為一黨，民有凶使相救。二千五  
百家為一州，民有急使相賜。凡二千五百家為一鄉，民有  
賢行則行鄉飲酒之禮而賓興之。

**論**王氏禹昭曰：鄉遂之制，始十五家之寡，而終於萬有二  
千五百家之衆。居雖異而睥睨若一家，人雖衆而和合  
若一心。司徒擾之，則相為仁讓焉；司馬用之，則相為憂患  
焉。陳氏汲曰：古者什伍之灋，於州鄉則聯其民于師田  
則聯其徒，于宿衛則聯其官，于方伯連帥則聯其國。故能  
以天下為一家，中國為一人，舍是灋而能治天下者，未之  
有也。

頒職事十有二於邦國都鄙，使以登萬民。一曰稼，二曰樹  
藝，三曰作材，四曰阜蕃，五曰飭材，六曰通材，七曰化材，八曰

斂材。九曰生材。十曰學藝。十有一曰世事。十有二曰服事。

**注**職事。民所職之事。登者。載之于籍也。稼穡。即三農。生九。穀。樹藝。即園圃。毓草木。作材。即虞衡作山澤之材。阜蕃。即藪。攸蕃。鳥獸之生。飭材。即百工。飭化。八材。通材。即商賈。阜通。貨賄。化材。即嬪婦。化治。綵帛。斂材。即臣妾。聚斂。疏材。

生材。即開民轉移執事。此九者。即大宰之九職也。學藝。謂講習道藝。世事。謂世守先業。服事。謂服勤公事。此三者。在九職之外。蓋冢宰制國用。九職所任。財賦所從出也。故但言九職而已足。司徒頒教典。則九職之外。應有是三者。不如此。不備也。

**論**御案曰。大司徒定比閭族。黨州鄉。小司徒乃會萬民之

卒伍而用之。蓋伍兩卒旅師。軍即寄于此。閭族黨州鄉之

內也。大司徒頒職事以登萬民。小司乃頒比瀆使登其鄉

之衆寡。蓋老幼貴賤賢能之。八六畜車輦兵器之物。卽寓于士農工賈職事之內也。

以鄉三物教萬民而賓興之一曰六德。知音智仁聖義忠和二

曰六行。

下孟切

孝友睦婣

音因

任。恤。三曰六藝。禮樂射御書數。

**物**猶事也。三物者。下所云德行藝也。賓興者。三事告成。鄉大夫以賓禮而興起之也。德謂道之得於心者。知有

別仁無私。聖能通義。能斷忠以盡已。和以接物。此大德也。行謂道之體於身者。孝於親。友於弟。睦於本姓。婣於外族。任於朋友。恤於鄰里。此六行也。藝謂才之異于衆者。禮以節性。樂以平情。禮樂非禮樂之儀。禮樂之儀。禮樂之儀。禮樂之儀。射以觀德。御以和鸞。書以察理。數以備

用。此六藝也。

**李氏叔寶**曰。德行藝皆析而六之。恐難以求其全。故於六者之中。有得其一者。皆足以自進。此天下所以無遺

才也。王氏應電曰于此見先王學校之教本未俱舉。內外交養所以入村多而風俗正也。

以鄉八刑糾萬民一曰不孝之刑二曰不睦之刑三曰不嫺之刑四曰不弟之刑五曰不任之刑六曰不恤之刑七曰造言之刑八曰亂民之刑

**釋**糾猶察也。鄉刑乃教刑。所謂朴作教刑是也。不孝于親不睦于族。不嫺于姻婭。不弟于師長。不任于朋友。不恤于鄰里。此而不懲則風俗日以偷至。訛言以動衆。左道以愚民。尤收壞風俗之甚者。尤不可以不懲也。蓋人性有厚薄。德不可以皆備。材有敏鈍。藝不可以皆能。六行則人人當勉者也。苟不能修則害于身禍于家亂人倫而蕩聖治。是之謂戮民也。加之以刑宜矣。

以五禮防萬民之僞而教之中以六樂防萬民之情而教之

和凡萬民之不服教而有獄訟者與有地治者聽而斷之其

附于刑者歸于士

**禮記**

六藝獨申禮樂者化民以禮樂為急也五禮吉凶軍賓嘉六樂雲門咸池韶夏蕤武禮所以節止民之侈僞使其行得中樂所以蕩民之情思使其心應和也不服教不

厭服于十二教貪冒者也爭罪曰獄爭財曰訟有地治者謂六鄉六遂及公邑都鄙之吏大司徒無聽斷獄訟之理故與有地治者聽斷之若有附厯于刑者則歸于士師治之焉

祀五帝奉牛牲羞其肆享先王亦如之大賓客令野修道委

積犬喪帥六鄉之衆庶屬其六引而治其政令大軍旅大田

役以旗致萬民而治其徒庶之政令

春羞皆進也肆解體也言進其體解以禮熟兼進且脈

**注**奉羞皆進也。肆解體也。言進其體解以薦熟兼進其豚。解以薦肥也。大賓客謂諸侯來朝。則介逐人修道路。道人共委積。國有大喪。喪車有引索。則帥六卿之眾庶共引之。大軍旅大田役所用民徒。則以熊虎之大旗以致之。而均治其政令焉。

若國有大故。則致萬民于王門。令無節者不行于天下。大荒

大札。則令邦國移民。通財舍禁。弛力薄征。緩刑。

**注**大故謂王崩及寇兵。致萬民于門。以備用也。節六節。有節乃得行。防姦私也。荒政十二之中。獨舉四者。四者為要。大司徒尤加意也。

歲終。則令教官正治而致事。正歲。令于教官曰。各共爾職。修乃事。以聽王命。其有不正。則國有常刑。

**註** 教官其屬六十。正治。明其文書政事。上其等。三。乃皆  
 汝也。治官之屬。大宰。不自合。小宰。令之。五官。則各自爲  
 焉。合

**論** 御案曰。地官所掌者地。所司者徒。惟所掌者地。故案土

地之圖。始則辨五土。以知地生。繼則辨十二土壤。以物地  
 事。繼復辨九土。以均地政。因而制王畿。建侯國。造都鄙。而  
 經畫土地之事。備矣。惟所司者徒。故通掌人民之數。立爲  
 比閭。族黨。州鄉之法。而民之室數。可稽。定土農工賈之籍  
 而民之職事。可核。稽其室數。核其職事。則民之可任者。與  
 其施舍者。皆無隱漏。抵冒之弊矣。而其大要。則使人相糾



勸有一善焉可得而舉也。有一不善焉可得而誅也。此三  
物八刑所以繼于其後也。

小司徒之職掌建邦之教灋以稽國中及四郊都鄙之夫家

九比必里切之數以辨其貴賤老幼廢疾凡征役之弛舍音與

其祭祀飲食喪紀之禁令

**圖** 小司徒大司徒之副同掌教灋者也。稽收也。夫家有家  
之夫也。九比如禹貢之三等九則也。貴謂卿大夫賤謂  
庶人在官者。征謂征稅。役謂徭役。收國中及都鄙九等之  
人。擇其貴賤老幼廢疾者。不征不役之也。祭祀以享神。飲  
食以養生。喪紀以送死。皆有禁令。不違失禮。則貴老  
幼廢疾而舍其役。則貴貴養老慈幼寬疾之意。小以示民  
矣。祭祀飲食喪紀皆有禁令。則尊尊親親之道。踰禮越制之誅。足以範民矣。

通論 御案曰：教寓于祭祀飲食喪紀之禁令，使民知禮知義，所以厚生而正德也。教寓于徭役之弛舍，使民興讓興仁，所以忘勞而犯難也。司徒之灋，無一人一事一時之不教，所以周徧淪浹。八人之深，至于刑措也。

乃頒比灋于六鄉之大夫，使各登其鄉之衆寡。六畜車輦，辨其物以歲時。八其數以施政教，行徵令。及三年則大比，大比則受邦國之比要。

通論 頒比灋，頒其九比之灋也。衆寡謂可役之民，六畜車輦皆常用之物。于氏則登于簿書，于物則辨其美惡。入其數者，八其民物之數也。施政教以行鄉射之禮，行徵令以起徒役之事。大比謂總計其數，比要謂大比之籍也。

王氏應電曰：鄉大夫，鄉也。鄉史受灋焉。故小司徒頒以

**論**

王氏應電曰鄉大夫卿也鄉吏受灋焉故小司徒頒以  
比灋若六遂則逐人令之都鄙則其君令之而並受灋  
于司徒治民以地官為主也此要者其詳藏于侯國其總  
數則登于天府也王國歲時入其數侯國則三年入其要  
詳內而畧外也孫氏之宏曰小司徒頒比灋登衆寡計  
口而田度力而役無曠土無遊民教養之實政也至司寇  
獻民數王拜受之登于天府與祖廟之守藏並重又以見  
民命之不可輕忽君臣上下當通知愛敬其民愛敬之義  
明于上斯教養之實達于下其事常相表裏也黃  
氏度曰比要在司徒為民籍簡稽在司馬為軍籍

乃會萬民之卒伍用之五人為伍五伍為兩四兩為卒五

卒為旅五旅

為軍以起軍旅以作田役以比追胥

以令貢賦

**註**會萬民之卒伍而用之謂會聚萬民闢其材堪充卒伍  
者以待使用也古者寓兵于農居則為比間族黨州鄉

之民出則為伍兩卒旅軍師之兵。欲其忘足相恤義足相救服容相別音聲相識征伐則起之為軍旅時隙則作之赴田役。寇警則比之任追。

胥閑暇則令之出貢賦。

**田**陳氏傅良曰。會萬民以為卒伍。則士不特選皆吾民也。將不改置皆吾吏也。有事致之行陣。無事歸之田里。無招延之擾。無廩給之費。故先王足兵而未嘗有兵。鄭氏錡曰。會卒伍以為軍。濃宜屬之大司馬。而小司徒掌之。何也。事不預備。不可以應卒。苟非司徒教之。有素。合之有法。司馬一旦欲合而用之。得乎。

乃均土地以稽其人民而周知其數。上地家七人可任也者。

家三人中地家六人可任也者。二家五人下地家五人可任。

也者。家二人。凡起徒役毋過家一人。以其餘為羨。惟田與追。

胥端作。凡用衆庶則掌其政教與其戒禁。聽其辭訟。施其賞。

前詳其犯命者。刑之。大司馬。大司馬。大司馬。大司馬。

罰許其犯命者。凡國之大事，政民大故，致餘子。

**注**均平。周徧也。一家受田百畝。七口授以上地。可役者家三人。六口授以中地。可役者二家共五人。五口授以下地。可役者每家二人。此因授地之上下，以均任役之多少也。凡起役作每家可任者雖多，唯一人爲正卒，其餘皆爲羨卒。不過役也。若田獵與捕盜，則正羨並行焉。蓋川取禽獸與衆同欲，逐伺盜賊與衆同惡，且地近時不久故也。衆庶謂六鄉之民，命謂誓告之命，誅如小子職不用命者，斬之是也。大事戎事大故災寇，餘子卿大夫之子，戎事故致民以備警災寇故致餘子以宿衛王宮也。

**論**御案曰：司徒與遂人大司馬，本無異濫，不易之地卽上

地。一易卽中地。再易卽下地也。大司馬上地食者三之二。卽遂人之田百畝，萊五十畝，可任者家三人。卽此家三人

也中地食者半。卽遂人之田百畝。萊百畝。可任者二家五  
人。卽此二家五人也。下地食者三分之一。卽遂人之田百畝  
萊二百畝。可任者家二人。卽此家二人也。

馬氏端臨曰。授田之制。如大司徒遂人。所言。則是田肥者  
授之少。田瘠者授之多。如小司徒所言。則口衆者授之肥  
口少授之瘠。二者不同。而義相備。葉氏時曰。司徒司馬  
皆言上地。可任者家三人。中地。可任者二家五人。下地。可  
任者家二人。一井凡八家。姑以下地言之。則可任者十六  
人。凡起徒役。無過家一人。則一井但八人耳。故遂人職曰  
以下劑致。雖受上田。中田之民。會  
而用之。惟以下劑爲率。寬民力也。

乃經土地而井。牧其田野。九夫爲井。四井爲邑。四邑爲邱。四  
邱爲甸。四甸爲縣。四縣爲都。以任地事。而令貢賦。凡稅斂之

**左**此言治野之濶。經謂經畫井牧，謂衍沃之地則為井。陰  
阜之地則為牧。牧者九夫為牧，二牧而當一井也。一夫  
受田百畝。一井九百畝，故云九夫為井，以四積之。邑邱甸  
縣都凡一千二十四井，九千二百一十六夫。受田九十二  
萬一千六百畝，使各任其地之事而納貢賦。與凡稅斂之  
事焉。蓋粟米車徒出于井地，此貢賦之本。濶地邑有衝僻  
收穫有早晚，道路輸將有遠近，則  
稅斂之事當隨地而制其宜也。

**總**井田之濶，惟小司徒見之。謂八家皆私百畝，同養公田  
**論**者，孟子之說也。謂八家各耕百有十畝，以十畝為公田  
餘二十畝為廬舍者，漢志之說也。林氏曰：井方一里，是謂  
九夫。古者治耕之濶，有以地里名者，方里為井，是也。有以  
田夫名者，九夫為井，是也。以地里名者，所以正地界，以四  
夫名者，所以定徵賦。九夫特以通率備言之耳。蓋地有山  
川林麓，不可以盡井者，安得九百畝皆平  
地乎。故以九百槩言之，其實仍八家也。

**通**葉氏時曰。小司徒言井邑。遂人言溝洫。非鄉遂異制也。  
**論**井邑定田畝多少。故言四井四邑之屬。溝洫定水道大小。故言十天之屬。鄉言井邑。則遂之田賦如之。遂言溝洫。則鄉之水利亦如之。班氏固刑禮志。古者因井田而制軍賦。方一里為井。井十為通。通十為成。成方十里。成十為終。終十為同。同方百里。同十為封。封十為畿。畿方千里。有稅有賦。稅以足食。賦以足兵。四井為邑。四邑為邱。邱十六井也。有戎馬一匹。牛三頭。四邱為甸。甸六十四井也。有戎馬四匹。兵車一乘。牛十二頭。甲士三人。卒七十二人。千戈備具。是謂乘馬之禮。一同百里。提封萬井。除山川沈斥城池邑居園圃街路。三千六百井。定出賦六千四百井。戎馬四百匹。兵車百乘。此卿大夫采地之大者也。是謂百乘之家。一封三百一十六里。提封十萬井。定出賦六萬四千井。戎馬四千匹。兵車千乘。此諸侯之大者也。是謂千乘之國。天子畿方千里。提封百萬井。定出賦六十四萬井。戎馬四萬匹。兵車萬乘。故稱萬乘之主。戎馬千戈。率徒素具。春蒐夏苗。秋備冬狩。昔于農隙以講事焉。五國為屬。屬有長。十國為連。連有帥。三十國為卒。卒有正。二百一十國為州。州

有以連帥比余簡車卒正三年簡從羣牧五載



有牧。連帥比年簡車卒。正三年簡徒。羣牧五載。大閱車徒。此先王爲國立武足兵之大畧也。

乃分地域而辨其守。施其職而平其征。

原本政

**注** 分地域謂建邦國造都鄙制鄉遂也。守地守職地職民職。則冢宰大司徒頒之。而閭師專掌之。小司徒分地域。故辨其守施其職而平其征。即均人所均地征地守地職也。益小司徒辨之施之平之。而後均人以歲之上下均之。地域既分。則無所用其均。故不言耳。

小祭祀奉牛牲。羞其肆。小賓客。令野修道。委積。

子賜

大軍

帥其衆庶。小軍旅巡役。治其政令。大喪帥邦役。治其政教。建邦國立其社稷。正其畿疆之封。凡民訟。以地比正之。地

訟以地圖正之

小祭祀。加風師雨師之類。小賓客。謂使臣聘問之類。大軍旅。天子親行。小軍旅。使臣征伐。帥者。帥致于大司徒也。巡役。巡行其小力役。喪役。如正棺引窆。皆是。民有訟事而不決。則正以地之比隣。民爭疆界而不分。則正以地之籍。

終則攷其屬官之治成而誅賞。令羣吏正要會而致事。正歲則帥其屬而觀教灋之象。狗以木鐸曰。不用灋者。國有常刑。令羣吏憲禁令。修灋糾職。以待邦治。及大比。六鄉四郊之吏。平教治。正政事。攻夫屋。及其衆寡。六畜兵器。以待政令。

**灋** 治成。所治職事之狀。憲。謂表懸之。恐觀教者不能徧故。又使各懸于所治也。修灋。糾職者。修其常灋。毋使廢墜。糾其職事。毋使怠緩。東主民事者。教治。若十二牧之屬。政事。若上地之政之屬。夫三爲屋。屋三爲井。攻之以待政令。

正所以驗其  
教政之實也

**論** 魏氏校曰大司徒所掌詳于土地之圖事大  
而簡小司徒所掌詳于人民之數事細而繁

鄉師之職各掌其所治鄉之教而聽其治

**注** 鄉師主六鄉之事者師其長也以下大夫四人分掌六  
鄉是二人共掌三鄉故曰各掌也聽其治鄉大夫以下

已各治其民恐其監失故又聽之也遂之教治獄訟皆遂  
大夫掌之而鄉則鄉師掌之者鄉大夫六卿也其于教則  
正月頒之鄉吏而已其于治則歲終合學史會政致  
事而已獄訟一聽之鄉師而已不與者體當然也

以國比之濠以時稽其夫家眾寡辨其老幼貴賤廢疾馬牛  
之物辨其可任者與其施武氏舍者掌其戒令糾禁聽其獄

訟

**注** 國比。即前之九比。受于小司徒者。小司徒既禮之。而鄉師復然者。小司徒通掌國中及四鄰。而鄉師則分掌六鄉兼及令禁獄訟也。

大役則帥民徒而至。沿其政令。既役則受州里之役。要以攷

司空之辟。以逆其役事。凡邦事。令作秩叙。

**釋** 大役如築作。隄防之類。至謂至其部曲也。役要。即民徒之簿書。辟。瀆也。蓋築作之。灋司空之職。故但收其功之大小。以登其民。而鈎收其所役之事。縮詳所謂乃召司空。乃召司徒。俾立室家。是也。事功力之事。秩。常也。叙。猶次也。事有常次。則既不倍迫。又不墮乏也。曰凡邦事。則不惟役事。即以役事言。徵發之地。有遠近。番代之歲。有凶。應皆有常次也。

大祭祀。羞牛牲。共茅菹。

子都切范

大祭祀之牲。牛為大。故鄉師佐而羞之。而後司徒得。以奉

**鞫** 祭祀之牲牛爲大。故鄉師佐而羞之。而後司徒得以奉  
之。茅菹所以縮酒與藉祭。蓋由甸帥共茅于鄉師。而後

鄉師得  
以共之

大軍旅會同。正治其徒役。與其輦。

九五 里演切

戮其犯命者

**輦** 徒役六軍之外。民徒之使役。正治者。以潔正之。而治其  
不如虞者也。馬駕以載輜重。爲輦人。輓以載任器。爲輦

犯命亦指  
徒役言。

喪用役。則帥其民而至。遂治之。及葬。執纛。以與匠師御。匱

而治役。及窆。

彼驗切

執斧以涖匠師。

**涖** 治謂治其葬事。匠師事官之屬。鄉師主衆役。纛羽葆。幟  
也。執以指麾。輓輒之役。使正其行列。進退。所謂治也。之

謂葬下棺。執斧以  
臨之。使戒其事也。

凡四時之田前期出田濶于州里簡其鼓鐸旗物其修其  
卒伍及期以司徒之大旗致眾庶而陳之以旗物辨鄉邑而  
治其政令刑禁巡其前後之屯而戮其犯命者斷其爭禽之

訟



四時之田謂春蒐夏苗秋獮冬狩也先田之期出田濶  
于州以令六鄉出田濶于里以令六遂于鼓鐸旗物兵  
器則簡之于卒伍則修之及田獵之期以司徒熊虎之大  
旗招致其眾庶而陳列其行伍而陳列之中又各以旗物  
分鄉邑于是乃治政令以使之從治刑禁以使之避焉  
車徒異部故有前後屯即大司馬前後有屯百步也

凡四時之徵令有常者以木鐸徇於市朝以歲時巡國及野  
而矚萬民之聽同以王命施惠

徵令有常者謂四時必有之力役徇于市朝使人入共

**通** 微令有常者謂四時必有之力役獨于市朝使人入共  
**注** 曉也以王命施惠者其職代王巡行見民艱阨卽以王  
命發倉廩出泉  
布不待奏請也。

**通** 王氏應雷曰遺人職鄉里之委積以恤民艱阨但掌其  
所關之物耳司稼巡野觀稼而調其恙而平其顛則以  
補助其耕斂之不足也司救歲時有天患民病以王命施  
惠并疾病亦在所賑恤然二言所治者廣故鄉師親出巡  
以王命施惠  
代王行也。

歲終則考六鄉之治以詔廢置正歲稽其鄉器以共吉凶二  
服間共祭器族共喪器黨共射器州共賓器鄉共吉凶禮樂  
之器若國大比則考教察辭稽器展事以詔誅賞

**通** 鄉師主六鄉故考六鄉之治詔廢置者告于家宰及司  
徒也鄉器卽比閭族黨州鄉所共之器也三歲大比則

考其官之敎。或行與否。察其吏之辭。或實與否。稽其鄉之器。或具與否。省其鄉之事。或治與否。以告冢宰與司徒。而詔王行誅賞焉。

### 老。二鄉則公一人。

**鄉老**。鄉官之最尊者。王畿百里。內為六鄉。外為六遂。二鄉公一人。蓋三公也。鄉大夫猶有職掌。鄉老以道倡化。不煩以事焉。在朝則稱公。在鄉則稱老。侍坐于天子而不為道。與百姓相親而不為褻。尊之至也。昔周公畢公以太師保釐東郊。召公以太保率西方諸侯。蓋二伯兼鄉老者。以公鄉之尊。不嫌于下行六鄉之事。則敎化之事。顧不重歟。

**王**氏應電曰。周官之廡。在朝則為六官。在國則兼為鄉。遂之官。及都鄙之君。故平居則六卿各敎其所治。民不必別立守令。國有大事而致民。則六卿各帥其鄉。遂之民。出守不必別有徵召。國有大故。則六卿各糾其民而守。不

必別為長帥。其有會同師役而用衆。則六卿各帥其都。不



必別為長帥。其有會同師役而用眾則六卿各帥其都。其所統之民而往不必別為之將。觀夏書甘誓乃召六卿。即大事之人。則此濶自古已然。所以體統合一。情意流通。而無後世內外隔絕。上下扞格之弊也。其族師而下皆使民。自推擇其長。因而秩之耳。故曰使民與賢。出使掌之。使民與能。入使治之也。

鄉大夫之職。每鄉一卿。各掌其鄉之政教禁令。

萬二千五百家為鄉。鄉大夫以六卿之正分治六鄉之政。故以聯稱。政教者導之使為善。禁令者戒之使勿為惡。蓋用其體。蓋以統六鄉而不與治民之事也。

正月之吉受教。出丁司徒。退而頒之于其鄉。吏養各以教其所治。以攷其德。行察其道藝。

司徒十二。濶以下皆教。濶也。鄉大夫受之以頒于其鄉之吏。如州長以下是也。使各以司徒之濶教其民而攷

其德行察其道藝以為賓興之本焉。德與行並

言欲內外兼舉道與藝並言欲精粗一貫也。

**通論** 魏氏校曰：鄉大夫皆六卿所兼，而同受司徒之灋。蓋禮以義起，在朝則冢宰重，在鄉則大司徒重，在軍則大司

馬重。

以歲時登其夫家之衆寡，辨其可任者。國中自七尺以及六十，野自六尺以及六十，有五皆征之。其舍者，國中貴者賢者能者，服公事者，老者疾者皆舍。以歲時入其書。

**注** 小司徒頒比灋于六鄉之大夫，使各登其鄉之衆寡。故鄉大夫以歲時登之，郊門以內為國中，六鄉也。郊門以

外為野。六遂也。七尺謂年二十。六尺謂年十五。古者二歲

大尺十五則征者使任事也。舍者使除役也。征有國與

野之異者，國地近而役多，野地遠而役少也。舍無貴與賤

之殊者，官則優崇之，民則體恤之也。入其書者，入于大司

也

三年則大比。必里切攷其德行道藝而興賢者能者鄉老及鄉

大夫帥其吏與其眾寡以禮禮賓之厥明鄉老及鄉大夫羣

吏獻賢能之書于王王拜受之登于天府內史貳之

**禮**

大比。按戶籍也。賢有德行者。能有道藝者。其吏謂州長以下。眾寡謂其民。禮。禮者。以鄉飲酒之禮禮而賓客之也。獻書拜受而登于天府。重賢人如

寶玉。內史書其副。以待王之爵祿也。

**通**

王氏詳說曰。五家為比。不過防其奇袤。未必有可書之事也。五比之間。善其敬。故在恤。是六行之中。可善者二矣。四閭之族。書其孝弟睦姻。是六行之中。可善者四矣。然于德行道藝。猶有未備也。至五族之黨。然後全書之。五黨之州。嚴加攷覈之。迨三年之久。鄉大夫又攷之。然後賓興焉。可謂詳且慎矣。

選而以鄉射之禮五物詢衆庶一曰和二曰容三曰主皮四

曰和容五曰興舞。

**一**此鄉大夫既獻賢能之書歸而詢民于鄉射以為後舉之本也和者內志正容者外體直上安者不失正為和容者進退閑雅興舞者節奏比樂此所詢之五物也蓋鄉射在鄉衆所聚觀故以此詢之也

**論**御案曰凡射衆相皆合揖讓相先故取其能和勝不勝

相形媚嫉易生故取其能容和容興舞則方射之時容體

比于禮節體比于樂也賢能德行道藝既成者故謀于鄉

先生五物材質可造者故詢于衆庶。

此謂使民興賢出使長

知兩切

之使民興能入使治之

此總承上文而言是以前所謂使民自舉賢者進于王制

**謂**此總承上文而言。是乃所謂使民自舉賢者。進于王。初使為卿大夫以臨長之。使民自舉能者。還于鄉里。使為

此間族黨以治理之也。書曰。天聰明自我民聰。明。天明威自我民明威。未有遺民而可為治者。

**禮**禮庫曰。一鄉利病及風俗美惡。惟鄉人知之。其中有可

自鄉舉里選之濼。天下官吏。悉總于吏部。賢不肖何自知之。

歲終。則令六鄉之吏皆會政。致事正歲。令羣吏攷灋于司徒

以退。各憲之于其所治。

**注**年終將考其得失。故令羣吏上計于鄉大夫。然後致之于司徒。以致于冢宰。正月巳。受灋于司徒。正歲後使攷

之者。恐所布之灋。尚未協乎民情也。

國大詢于冢庶。則各帥其鄉之眾寡。而致于朝。國有大故。則

令民各守其閭以待政令。以旌簡輔令，則達之。

**通**大詢者，詢遷國立君之類。朝謂外朝。大故謂火變戎冠，使民皆聚于閭，胥所治處，以待政令。然亦必有旌節以

輔之，否則雖有

令亦不得達也。

**通**王氏應電曰：治天下以正風俗得賢才為本。故鄉大夫之職，莫急于教民。莫重于興賢。比廩次之，正歲之所

歲時之所登，歲終之所會致。三歲之所大比，不過于此。鄉大夫特舉其要，而其節目則有司存也。

州長每州中大夫一人各掌州之教治政令之灋。正月之吉，各屬音

下其州之民而讀灋，以考其德行道藝而勸之以糾其過惡。

而戒之。若以歲時祭祖，則屬其民而讀灋亦如之。春秋

以禮會民而射于州序。

二千五百家為州。長一州之主也。鄉大夫雖掌政教亦

**注** 二千五百家爲州。長一州之主也。鄉大夫雖掌政教禁  
令然第執其總以率屬而已。其教治政令之灋則州長  
掌之也。屬猶合也。讀灋者卽所掌之教灋也。勸之戒之皆  
讀灋時之事。如之者言丁祭祀州社春祈秋報時亦讀灋  
如前也。序州學之名言雖已讀灋又于春秋二時先  
以鄉飲酒之禮會其民而後射于序以觀其實焉。

比州之大祭祀大喪皆蒞其事。若國作民而師田行役之事  
則帥而致之。掌其戒令與其賞罰。

**注** 大祭祀謂州之社稷。大喪謂鄉老鄉大夫蒞臨也。師征  
伐。田田獵行巡狩。徒作。數者皆聚其民致之于司徒  
而已。掌其戒  
令賞罰焉。

歲終則會其州之政。令正歲則讀教灋如初。三年大比則大  
攷州里以贊鄉大夫廢興。

**注** 廢興謂進退

**通論** 高氏曰。自州長而下。始行讀禮。會民之禮以二千五百家之民。八親地近而教易行也。蓋鄉大夫統五州。去民遠故不讀禮。州長一歲三讀禮。黨正一歲七讀禮。族師一歲十四讀禮。閭師則無定期矣。大約于民。彌親教亦彌數。其習之也勤。成之也漸。入之也深。是以賢才奮興。風俗丕變也。

**黨正** 每黨下大。各掌其黨之政令。教治及四時之孟月吉日。則屬民而讀邦禮。以糾戒之。春秋祭禴。禴敬切亦如之。國索音

鬼神而祭祀。則以禮屬民。而飲酒于序。以正齒位。壹命齒于鄉里。再命齒于父族。三命而不齒。

**注** 五百家為黨。正亦長也。州長掌其禮。黨正則奉以施之。但州長以教治為先。而黨正以政令為先。故州長讀禮。

有勸戒之而黨正讀禮。則第有糾戒焉。祭水旱神之各。凡



有勸戒而黨正讀瀆則第有糾戒焉。祭祭水旱神之各。以正齒位者。使長知尊年尚爵也。壹命為下士。則年與眾賓相次再命為中士。則年與族人相次。三命為上士。則席設于尊東。雖父族亦不得序齒。蓋三命爵已尊。抑于下非所以貴貴。躐于上非所以長長。故別有專席也。諫賦三命不敢先。則依然貴親尚齒矣。

凡其黨之祭祀喪紀婚冠

古玩切

飲酒教其禮事。掌其戒禁。凡

作民而師田行役則以其瀆治其政事。

**注**喪祭冠婚飲酒之禮。黨正教之而復有戒禁者。戒其必如禮。而禁其不如禮也。師田行役。眾庶所聚。非瀆無以

集事。故平時有教。臨時又有法也。

歲終則會其黨。政帥其吏而致事。正歲屬民讀瀆而書其德。

行道藝以歲時涖校比及大比亦如之

**注** 黨政一黨之政。吏謂族師以下之吏。致者致其所掌之事于州長也。六鄉之吏皆致事而惟黨正有之。以州長所掌者。教士察吏之。無無事之可致。而族師以下之事皆致于黨正也。書記也。黨正與民近。其知民也久。故書之待州之政。至校比之事。所謂以時屬其民而校登云云者。黨正第往涖之而已。

**論** 御案曰。鄉三物惟六藝之成熟有司可目辨之。若六行

則非鄉黨族姻不能詳也。六德則非與朝夕以故者知之不能審也。故閭胥聚眾庶則書其敬敏任恤者。族師月吉屬民讀灋則書其孝弟睦姻有學者。黨正正歲屬民讀灋則書其德行道藝未有簡上而不屬其民者。蓋論之以相

習之人然後聞見實徵之以歲多之日然後好惡公論之

習之人然後聞見實微之以眾多之口然後好惡公積之  
以歲月之深然後鑒別當如是則所謂賢者能者無所容  
其僞冒矣而州長鄉大夫又層累而攷之所以舉不失人  
而官無廢事也。

族師

每族上士二人

各掌其族之戒令政事月吉則屬民而讀邦灋

書其孝弟睦姻有學者春秋祭

音步

亦如之

注 百家為族師亦長也屬民讀灋州長以正月黨正以四月  
孟月族師則每月之朔蒸情愈親而灋愈密也有學即  
六藝酬灾害之神族無鄉飲之禮因  
祭酬而合眾以酬獻亦如月吉也

以邦比之灋帥四閭之吏以時屬民而校登其族之夫家眾

寡辨其貴賤老幼廢疾可任者及其六畜車輦五家為比十家為聯五人為伍十人為聯四閭為族八閭為聯使之相保相受刑罰慶賞相及相共以受邦職以役國事以相葬埋若作民而師田行役則令其卒伍簡其兵器以鼓鐸旗物師而王掌其治令戒禁刑罰歲終則會政致事

**注**

邛比之灋即小司徒所頒之比灋也夫家眾寡鄉大夫既登之族師又登之者蓋今歲少壯者求歲或老疾矣

今歲微賤者求歲或通顯矣其可任可舍者不可不以時校登也兩比合為一聯兩伍合為一聯二百家共為一聯使舊比之相保新來惡者相容刑罰相及則惡必去慶賞相共則德澤可受國事可役而埋葬相助矣師田即受灋于州長者師致事謂致于室也

王氏應龍曰邛比之灋即前而下由族師而

**總論** 王氏應龍曰邦比之濶門胥而下由族師而定黨正而上據族師而行故于此詳言比濶。

**論** 馬氏端臨曰秦人什伍之濶與成周一也然周之濶則欲其出入相友守望相助疾病相扶持是教以相率而

為仁厚之君子秦之時一人有姦鄰里告之一人犯罪鄰里坐之是教以相率而為苛刻之小人。

**閭** 每間中各掌其閭之徵令以歲時各數色主其閭之衆

寡辨其施舍凡春秋之祭祀役攻喪紀之數聚眾庶既比則

讀灋書其敬敏任恤者凡事掌其比比橫撻罰之事

**注** 二十五家為閭胥則治其民者有所取曰欲有所使曰令祭祀川社黨祭族醜也役田役政如州鄉黨飲酒喪

紀謂族相葬埋凡此數者皆聚比眾庶之時既比之後則讀司徒之灋而書其志敬才敏相助而任相濟比恤者以

待州長之放焉凡事如軍旅徵發相救相賜之類比校也觸飲器撻比背失禮之罰也

**御案**曰古者生子三月擇日名之以告閭史閭史書為

二一獻于州史一自藏之故歲可合而數也族黨州鄉皆

因閭胥所數而登校之所以不料民知其眾寡又曰閭

胥所書僅二十五家之民故善小而必登族師所書乃百

家之民故學行兼而後錄黨正以上則德行道藝皆全矣

其進每上其選每精六行不言敬敏而此言之者敬則小

心敏則強九二者善雖小而可望其成德故謹書之

**論**朱子曰先王之學以明人倫為本故自其詠歌絃誦之

詞所以漸降誘掖激厲而作成之者無非有以養其愛  
親敬長之心而教之以修己治人之術是以百姓親睦風  
俗淳厚而聖賢出焉後世學校雖存不過為趨時干祿之

技而其所以勸勉而程督之者又適以作其躁競之心雖

按而其所以勸勉而程督之者又適以作其躁競之心雖  
有長材美質可與入于聖賢之域者亦往往為俗學頹風  
驅誘破壞而不得有所成就尚可望  
其化民成俗之效如先王之時哉

比長

知兩五家下切

各掌其比之治五家相受相和親有舉

同罪

奇

音基邪

則相及徙于國中及郊則從而授之若徙于他則

為之旌節而行之若無授無節則唯園土內

音納之

**注**

五家為比長其土也此之治如教訓徵令皆是相受則  
不相排擯和親則不相爭戾相及即今之所謂連坐比

長職雖卑而一鄉之濶實始于此蓋相受相和親則善俗  
乃可興相及則奸宄乃無可容徙遷居也從而授之謂付  
于所往之處以明其無過旌節行之謂驗于所過之地使  
之無所阻若授節俱無則逃民也納之園土而其情無所  
矣

通 魏氏校曰天下之治必從其抵是故民制起于比閭鄉  
起于鄉舉里選苟無根柢而求天下之治難矣柯氏潛  
曰鄉遂大夫而下有爵秩各位而無府史胥徒者以大夫  
而下皆鄉遂之民差其等正其位職其教不操刑政之權  
者也其比長閭胥族師胥農人之中德行才能足兼比閭  
族之上者耳所謂下上即上農中士倍之上士又倍者亦  
合其子弟受之士田令其自耕以共一家之衣食固不如  
在職之上中下士食民之賦稅也至黨正州長鄉大夫則  
已嘗為大夫者其家既受田別有田宅官田以賦其祿况  
又有賞田牛田牧田以益之乎此所以設官如此之多而  
無贏浮于賦之患也賢者以次而升不賢者以次而降升  
者加其秩田降者減其爵祿是以古者之民富貴貧賤常  
與人之德行才能相稱俸民不得違姦民不得肆朝夕政  
夜無人不欲勤其事盡其職敏其行以聽  
上之旌舉也成周之治其根本盡在于此

封人

中士四人下士八人府二人  
史門人胥六人徒六十人

掌設王之社壇

音位

為畿

封而封之... 封國設其... 封邑之... 封



封而樹之。凡封國設其社稷之壇，封其四疆，造都邑之封域者亦如之。令社稷之職。

**注** 封人主封疆者。王社內有壇以奉神，外有壇以爲垣，獨者隨者舉外以包內也。王國外四面五百里爲畿，畿上各有稱爲限，封土于上，樹木于旁，所謂設之爲之也。凡新封諸侯之國，必設社稷之壇，與四至之疆，新造都邑采地之封域，亦必有壇與疆。其封之樹之亦如王國也。社稷之職，有職事于社稷者，將祭之時，封人令之，亦修築酒壻之事與。

凡祭祀，飾其牛牲，設其福

音 衡，置其綵。詩忍切 朕共其水，稟歌舞

牲及毛炮

薄交切

之豚，凡喪紀賓客軍旅大盟，則飾其牛牲。

**注**

飾謂刷治蠲潔之。福施于角以防其觸，衡施于鼻以使之行，豨則牽牛之索也。水以滌牲，稟以藉牲，歌者率

地宣上鼓人

牲入廟時歌舞以言其香肥也。毛炮謂爛去其毛而炮之。封禪之事不常有故又兼此禮。

鼓人

中士六人。府二人。史二人。徒二十人。

掌教六鼓四金之音聲以節聲樂以

和軍旅。以正田役。教爲鼙而辨其聲。用以雷鼓。鼓神祀。以靈

鼓。鼓社祭。以路鼓。鼓鬼享。以鼗。

音焚

鼓。鼓軍事。以鼙。

音羔

鼓。鼓役

事。以晉鼓。鼓金奏。以金鈔。

音淳

和鼓。以金鐻。節鼓。以金鐃。止鼓。

以金鐸。通鼓。

**注** 鼓人掌教鼓者兼掌金。金以節鼓也。樂勝則流。故言節。師克在和。故言和。行列宜正。故言正。大司樂雷鼓禮天。

神靈。鼓禮地示。路鼓禮人鬼。節此鼗聲大。故鼓軍。鼗聲緩。故鼓役。凡作樂先擊鐘。次擊鼓。故晉鼓。鼓金奏。鈔。鈔于錡。錡也。鐃如鈴。鐸大鈴。皆師田所用。金鼓之節已教于大司馬。而此復屬于司徒者。蓋不隸之于平曰。則臨事倉皇失。

措而不可用。故遺使田野之民皆

指而不可用。鼓。演使田野之民皆習其聲。而知進退止齊之節也。

凡祭祀百物之神。鼓。兵。舞。帔。

音

舞者。凡軍旅夜鼓。鼙。軍動。

音

則鼓其衆。田。役亦如之。救日月則詔王鼓。大喪則詔大。泰。

音

### 鼓

**戰** 兵舞持下威而舞。帔舞執采。而舞。百物之神。所謂國也。索鬼神而祭祀者。獨舉此者。原王朝之祭祀皆非其職也。鼙。夜。戒守之鼓。軍動則據臨。陝之時。救日。

月詔王鼓。助陽氣。大喪詔大僕鼓。警衆也。

**通** 易氏。祓曰。以六鼓。聲用。攻之。唯雷鼓。享用于天神。鼙鼓。專用于役事。若靈鼓。用于社祭。京氏。又用之以驅猛獸。

鼙鼓。用于鬼神。大司馬。又用之以教戰。大僕。又用之以待達窮者。與遽令矣。以至辟雍作樂。鼙鼓。唯鋪仲春蒐田。軍將。晉鼓。則鼙鼓。不止于軍事。晉鼓。不止于金奏矣。聲用各有所主。不可不辨。

子金奏矣。聲用各有所主。不可不辨。

舞師下士二人。胥四。掌教兵舞帥而舞山川之祭祀教帔音弟

舞帥而舞社稷之祭祀教舞舞帥而舞四方之祭祀教皇舞

帥而舞早暝音之事凡野舞則皆教之凡小祭祀則不與舞

**注**舞師主教舞者兵舞用干戚武舞也。帔析五采繪為之羽析白羽為之。皇析五色羽為之。皆文舞也。兵舞有捍

衛之義。帔舞有祓除之義。舞舞有翼蔽之義。皇舞有陰陽調濟之義。野舞野人欲學舞者不與舞謂其功不足以形

容故不舞也。

**通**王氏詳說曰。兵舞用之山川矣。司干掌舞而及于祭

祀賓享羽舞用之四方矣。籥師掌羽舞而及于賓客享

食以山川社稷四方為地官事。旱暵為民事故屬于地官。牧人下士二人。胥六。掌牧六牲而阜蕃其物以共祭祀之

牲。牲。凡陽祀用騂牲。毛之陰。祀用黝音幽牲。毛之望。祀各以其方之色。牲。毛之凡時祭之牲。必用牲物。凡外祭。毀事用龙可也。

**注** 牧人主牧牲以共祭祀者。牲生牲。牲全體也。陽祀祭天與宗廟。陰祀祭地與社稷。望祀祭五嶽與四瀆。騂赤色。

**注** 黝黑色。方青赤白黑毛之謂色。純也。時祭謂常祭。外祭謂偶經之山川毀事謂殃咎之候。禳龍不純之色也。

**論** 陳氏祥道曰。大宗伯牲幣各放其器之色。則天以蒼下以騂。地以黃。不以黝。蓋陽祀以騂為主。陰祀以黝為主。

凡祭祀。共其犧牲。以授充人。繫之。凡牲不繫者。共奉之。

**注** 犧牲。毛羽完具也。授充人。當誅養也。牲不繫。謂非時而祭者。奉奉至祭所也。

牛人

中士二人。下士四人。府二人。史四人。胥二十人。徒二百人。

掌養國之公牛以待國之

政令凡祭祀共其享牛求牛以授職人而芻之凡賓客之事

共其牢禮積膳之牛饗食賓射共其膳羞之中軍事共其牝

牛喪寧共其奠牛。

**禮**

公猶官也。求成性謂之牛。政令者用為牲牢或以駕車也。享牛獻神之牛。求索也。春秋有改卜牛之事。用改卜

則索之也。芻豢牲之芻。牢禮謂饗殯積膳膳羞皆禮賓客所用者。牝牛犒師之牛。喪所薦饋曰奠。未葬以前無口飲

食。值停置于神前。故曰奠牛也。

凡會同軍旅行役共其兵車之牛與其宰筮

簿浪切

以載公任

器凡祭祀共其牛牲之豆與其盆簠

音老

以待事

行役謂王行巡守皆六軍從也。軍中任器非一牛所能

**注**行役謂王行巡守皆六軍從也軍中任器非一牛所能勝故自駕轅而外又有居其前居其旁者共輓一車故

曰共其兵車之牛與其牽旁也互若今屠家懸肉格益盛血器簪受肉籠皆始殺未解體時所用者亦牛人共之也

**充人**下士二人史二人胥四人徒四十人掌繫祭祀之牲牲繫于國門使養之

芻之三月享先王亦如之比散祭祀之牲繫于國門使養之

展牲則告牲碩當作射牲則贊



**注**充肥也主養六牲而肥之者已選為牲完善為牲牢閑也芻之食之也食之三月所以使充也散祭祀謂小祭祀國門城門繫之于此使司門者養之也展牲視牲也視牲則告以體完而無傷碩牲射牲也射牲則贊而麗于俸也

**通論**王氏詳說曰祭義古者天子諸侯必有養獸之官擇以為牲則有納而視之之禮朔月月半則有巡牲之禮將

用則有卜牲之禮及夕則展牲及期則辜牲射牲  
割若歌舞牲一牲而分職聯事如此禮之至也

食

書

圖

凡三曰率夫五衣之共辨參取之也樂于國門則  
亦人者以人殺四十八率樂參取之辨參取正帝似樂下

血器  
日共其  
浙

禮記  
卷四  
禮記

周官



周官精義卷五

潁川 連斗山叔度編次

地官司徒下

載師上士二人。中士四人。府二人。史四人。胥六人。徒六十人。掌任土之灋以物地事。授

地職而待其政令

**註** 載事也。卽民事也。載師者掌民事之長也。任土之灋。任其土之所出。以爲治賦之灋也。物地事者。物色其地之所宜。以爲樹藝之主。授地職者。隨其所掌之地。以授于所職之人。以待政令。使出貢賦也。

**通論** 郝氏敬曰。載師任地制賦。問師任民徵賦。二職相資。王氏詳說曰。物地之灋。見于載師。又見于草人。蓋載師

物地以任其川。草人。物地以糞其種。

以厯里在國中之地以場圃任園地以宅田土田賈音田任

近郊之地以官田牛川賞田牧田任遠郊之地以公邑之

任甸地以家邑之田任稍地以小都之田任縣地以大都之

田任音薑地。

**田**任皆言任賦。厯里謂民居之隙地。場圃譯宅畔之餘地。宅田農夫城宅之田。士田士人之田。賈田賈人之

子之田。此三者以近郊之田任賦也。官田庶人在官其家所受之田。牛田牧田。牛人牧人其家所受之田。賞田。謂君

恩賞賜之田。此四者以遠郊之地任賦也。公邑之田。謂六

遂餘地。家邑之田。謂大夫采邑。小都鄉之采邑。大都公及

王親子弟之采邑。二百里曰甸。三百里曰稍。四百里曰縣。五百里曰疆。以上四田。則任以以上四地之賦也。

**御案**曰。所在甸地亦是六遂之餘鄉。遂區域早定而鄉

大夫遂大夫以下官長層累相承故無俟載師之任之也  
自甸而外至稍縣置皆有公邑以甸無采地故經云以公  
邑之田任甸地舉甸以見其餘耳大宰九賦四曰家稍五  
曰邦縣六曰邦都疏謂舉家稍以表公邑其縣都亦然也  
此載師所任地蓋亦指公邑而言其三等采地則于大司  
徒造都鄙詳之矣

**通論**

鄭氏康成曰王畿內方千里積為百同九百萬夫之地  
也方一千里有山陵林麓川澤溝瀆城郭宮室涂巷  
三分去一餘六百萬夫又以田不易一易再易上中下相  
通定受田者三百萬家也相通謂三家遠郊之內地居四  
同三十六萬夫之地也遠郊百里內置六鄉四鄙而相  
輔輔三十三分去一其餘二十四萬夫六鄉之民七萬五

千家每鄉前二通不易一易再易一家受二夫則十五萬

夫之地其餘九萬夫廬里場圃宅士賈官牛賞牧田九者

亦通受一夫焉則半農人也聖理以下九者各以萬家計

此農人相通一夫受二夫農人也地定受田十二萬家食貨志

云農民戶一人已受田其家眾男為餘夫亦以口受田如

比夫比例也此餘夫受田如正士工商家受田五口乃當農

夫一人餘口不得受田矣其家無大夫今餘夫在遂地之

中如此則土工商以事入而在官而餘夫以力出耕公邑

故地盡無田可受甸稍縣都合居九十六同八百六十四

萬夫之地城郭宮室差少涂巷又狹于三分所去六而存

一焉以十八分之十三率之則其餘六百二十四萬夫之

地通上中下六家而受十三夫定受田二百八十八萬家

也其在甸七萬五千家為六遂餘則公邑六遂與六鄉家

凡任地國宅無征園廬二十而一近郊十一遠郊二十而三

甸稍縣都皆無過十二唯其漆林之征二十而五

任地謂任土以起稅也國中宅比連稠密無地可以

**注**任地。謂任土以起稅也。國中宅比連稠密無地可以種植。故無征。園地其利薄。廩里其地狹。故二十取一。輕之也。近郊十一。國中什一。使自賦。役多稅少也。遠郊二十而三。役稍簡。稅亦少重也。自此去國益遠。役益簡。稅亦漸增也。然亦至十二而止。唯漆林之稅二十而五。以其爲自然之利。非人力之所爲。故重其征。且以抑未也。

**論**御案曰。古者公田爲居。井寵葱薤。取具焉。其耕地實八

十畝。故孟子及春秋傳。通計公田八十畝。私田八百而言入于公者。乃十分之一耳。周官之三農九穀。不過歲以公田之穀。安從所謂二十而三。與十二者。什一之漚通。下。又安有近郊遠郊。甸稍縣都之別哉。反覆參考。唯片任地國宅無征。園廩二十而一。漆林二十而五。爲經之本。



步之里一爲里居之里此里布當是里居之里卽其所居

之宅也宅而毛則有絲枲之出其不毛者雖無絲枲亦使

出一廛之布以罰之布泉也若罰以二十五家之布則令

有不行矣

此卽孟子所謂里之布也

周禮夫婦具而後有征明無家之

夫不征也夫家之征謂一夫力役之征耳夫婦具而無所

事事故使出夫家之征而以布當之

此卽孟子所謂夫之布也

三者皆

所以警游惰言旣授宅雖不毛而布縷之征不免也旣受

田雖不耕而粟米之征不免也旣有家雖無職事而力役

之征不免也無職事蓋九職所不任者非間民也

魏氏校曰：載師因土宜以任其事，取其稅而教化在其中。

閭師中士二人。史二掌國中及四郊之人民六畜之數以任

其力，以待其政令，以時徵其賦。

**注**謂二十五家為閭，師其長也。專掌六鄉貢賦。國中及四郊

耗孳牲多寡之數，仕其力，謂農圃以至虞衡之事。耕植以

至山澤之貢，皆其力為之出之也。兼言六畜者，六畜之多寡亦驗其力之能否也。政令謂賦役之征，以時徵賦，即政令也。

凡任民任農以耕事，貢九穀。任圃以樹事，貢草木。任工以飭

材事，貢器物。任商以市事，貢貨賄。任牧以畜許六切事，貢鳥獸

任嬪以女事，貢布帛。任衡以山事，貢其物。任虞以澤事，貢其



物

**注**凡任民總言使民之瘼使之各事其職隨其地產而貢之。大宰以九職任萬民列其職也。閭師則按職而命以事而定所徵。大宰之廛通乎天下。閭師所任止于遠郊而已。九職有臣妾此不及者以其聚斂疏材無可稅故也。

凡無職者出夫布 凡庶民不畜者祭無牲 不耕者祭無盛音成

不樹者無椽 不斃者不帛 不績者不衰七回切

**注**無職。即大宰明民無常職轉移執事者。轉移執事而言無職。以當家之廛地不事。故云無職。罰之使出。一夫之布亦教之也。黍稷在器曰盛。椽周棺也。衰喪服也。不親其事者。即不得用其物。皆所以耻不勉也。以此推之。可見六鄉之民。凡事皆宗命于閭師。而家不異政。國不殊俗矣。

**通論** 御案曰。此一經見有田必耕。有宅必樹。而登績材木具

焉。又時其雞豚，稱兔之畜，以其養老祭祀之用。孟子所言  
王政畧備于此。此言不畜不耕者，不任牧與農者，也不耨  
不蠶不績者，不任圃與嬪者也。不任其所當任，故抑之使  
不得齊于儔人之禮，以耻之。養也而教行焉矣。載師凡宅  
不毛者，有里布。荒其園圃者也。此獨不樹未嘗不毛，故罰  
止于無椽。載師凡田不耕者，出屋粟。受田而不耕者也。此  
不耕者，本未受田，故罰止于無盛。又案遂之治，訟遂師  
遂大夫聽于上，縣正掌于下，而鄉師以下，別無掌獄訟之  
官，何也？蓋鄉之別設閭師與縣正，無以異縣正之職，卽此

之時徵其賦縣正之比卽此之人民六畜之數縣正之政  
令卽此所待之政令縣正之頒田里分職事卽此所任諸  
職事也獨此職無掌治訟趨稼事而賞罰之文蓋無職不  
耕不樹諸罰皆掌其治訟趨其稼而賞罰之可見矣

王氏應電曰凡民之事有一定而不易者九職是也。有兼  
爲而不費者樹畜是也。故先王之世。雖士工商之家。靡不  
受田。務使人知稼穡之艱難。婦女各勤蠶織。比戶皆務樹  
畜。不勤則有五者之罰。使不得備禮。厚生止德之意。皆具  
其中矣。載師以其不務本業。故徵其財。閭師以其不能兼  
職。故殺其禮。上之人非利其財也。將驅之以務本耳。非新  
于禮也。將愧  
之而使勸耳。

縣師

上士二人。中士四人。府二人。

掌邦國都鄙稍甸郊里之

地域而辨其夫家人民田萊之數及其六畜車輦之稽三年  
大比則以攷羣吏而以詔廢置

**注**王國百里之外為六遂又其外為小都大都尚有餘  
不以對人者則謂之公邑天子使吏治之其地名曰  
其官名為師也縣師專主公邑之地但公邑外連諸  
國之地內連都鄙稍甸郊里之地大牙錯故通內外之  
地域言之正所以別其為公邑之地域也所謂辨及其  
與夫下文作其會其者皆指公邑而言縣師官卑人少所  
職祇如此非通邦國與郊里而俱掌之也羣吏謂家稍縣  
都之吏取而詔之亦以土地之荒闕戶口之盈耗為殿最  
也

若將有軍旅會同田役之戒則受灋于司馬以作其衆庶及  
馬牛車輦會其車人之卒伍使皆備旗鼓兵器以帥而至

**理** 此節乃縣師之職所專掌者前言所掌所辨與所稽者  
此以爲此耳。蓋軍旅會同田役。夏官之掌也。其衆庶馬  
牛車輦則地官之掌也。故將有三者之事。鄉師遂人回各  
有致民帥衆之事。受灋于司馬。而縣師亦必以受于司馬  
者于衆庶馬牛車輦則作之。車人卒伍則會之。旗鼓  
兵器則備之。帥而至于司馬焉。不以公邑而有異也。

凡造都邑量其地辨其物而制其域以歲時徵野之賦貢

**注**

都謂大都小都邑謂家邑造者建置之也。量其地者。大  
都百里。小都五十里。家邑二十五里也。辨其物者。地有  
五物賦有九等也。制其域者。定其都邑之疆界  
也。野乃公邑之間田。賦貢亦公邑之賦貢也。

遺人音中土二人。下士四人。府二人。掌邦之委烏偽積子賜

以待施式鼓惠鄉里之委積以恤民之難所門關之委積

以養老孤郊里之委積以待賓客野鄙之委積以待羈吉滸

族。縣都之委積以待凶荒。

**遺饋**也。遺人主以委積饋人者。少曰委。多曰積。待者待鄉師司救司隊以王命施之也。艱晚謂天災之疾。息老謂死政之父。賓客謂朝聘之公卿。羈旅謂道路之士。凶荒謂年歲之旱澇。因其地之所蓄。卽如其人之所用。則物不濫而惠不竭矣。

凡賓客會同師役。掌其道路之委積。凡國野之道十里有廬。廬有飲食三十里有宿。宿有路室。路室有委五十里有市。市有候館。候館有積。凡委積之事。巡而比之。以時頒之。

**上委積**隨其所須而預爲之待。此則行道所須。故分布于道路也。國野之道。自國以及野之道。廬。憩息之所。宿。安息之處。市。則有交易之鄉矣。廬。若今之茶亭。路室。則有官室。候館。則有樓觀矣。飲食委積。隨遠近以爲加減也。然

委積亦非一地。又必巡比以攷其足否。時頒以補其匱之焉。

均人

中士二人。下士四人。府二人。史四人。胥四人。徒四十人。

掌均地征

原本政下同

均地守

均地職均人民牛馬車犖之力征凡均力征以歲上下。豐年

則公旬用三日。焉。中年則公旬用二日。焉。無年則公旬用一

日。焉。凶札則無力征。無財賦。不收地。守地職不均地。征三年

大比則大均。

**注**

均平也。主平力役之征者。地征謂所征田賦。地守謂守其地者。如司險掌固之屬。其守有劇易。地職謂承其事

者。如該地功役之屬。其職有繁簡。人民則如築城鑿池。牛馬車犖。則有轉輸委積。皆力役之征也。公旬猶言公家當直之日。古者役民之力。一歲不過三日。即此之豐年三日也。中年則免一日。無年則免二日。凶年則全免。故無力役

亦無財賦焉。又曰不此寸職者，蓋盡免其額征。而其  
他應收者亦不收也。大均則無地無人，不得其平矣。

師氏

中大夫一人，上士二人，府二人，史二人，胥十有二人，徒百有二十人。

掌以媿

美同

詔王以三

德教國子。一曰至德，以為道本。二曰敏德，以為行

下孟切本

三曰孝德，以知道惡教。三行，一曰孝行，以親父母。二曰友行

以尊賢。良三曰順行，以事師長。

知兩切

居虎門之左，司王。掌

國中

音仲

失之事，以教國子。弟，凡國之貴遊子弟學焉。

**輔**

天子師保有公孤。師氏中大夫。保氏下大夫。蓋專為教

太子設者，而先之以詔王。媿，諫王惡，欲使太子知師保  
之重也。詔王媿，謂告以善道。國子，謂王太子及公卿大夫  
之子弟。初學，未可遠求。六德，六行。弟，使知至德為王道之  
本。則六德可馴致也。知敏德為教行之本，則六行可漸推  
也。至敏之外，又教以孝德者，蓋孝行無山顯悖，故又教之。

使加賜奉陰違為逆，偷為不義為惡也。學友順三行皆所



使知陽奉陰違爲逆。偷爲不義爲惡也。孝友順三行皆所以進德者。虎門路寢門。王日眠朝之地。司猶察也。察王之視朝。有善道可行者。則詔之焉。中失。謂中禮失禮之事。國子弟。謂同姓異姓之子弟。皆太子共學者。貴遊子弟。亦王公之子弟。未入學而來遊者。于已入學者。則教以中失。而來遊者亦可以知學矣。

**論**柯氏尚遷曰。周人于國子。其教之也詳。其責之也深。其養之也預。其教太子。將以宗廟社稷屬之。爲天下得人也。其教王子。以其將有國有家而爲民神之主也。其教貴遊子弟。以其將爲公卿大夫之選。恐其席寵處優。鮮克由禮。非師嚴道尊。則無以變化其氣質。而涵養其德性也。

凡祭祀賓客會同喪紀軍旅王舉則從聽治亦如之使其屬帥四夷之隸各以其兵服守王之門外且蹕朝在野外則守內列。

**注** 舉行也。聽治謂王行在外而聽治亦如之。亦從之也。四夷之隸。四夷所臣服者。王之門外。謂王中門之外。蹕者止行人不得迫王宮也。野外。王巡守親征道上所宿處。內列則蕃營之在內者也。

**論** 葉氏時曰。周官諫諍之職。唯師氏保氏。然平時之詔王羣吏之治。司士詔王治。內史詔王聽治。小臣詔王灋儀。凡

長幼早尊。無非詔王之職。出入起居。無非聽詔之時。至瞽誦詩。士傳言。商旅市議。是諫王惡者。又不獨一保氏也。古人不以諫名官。而人人得以諫。至春秋時。此意未泯。自漢武置諫大夫。非諫官言事則為越職。而諫諍之路狹矣。王氏應電曰。師保二官。以近臣而兼守禦之事。蓋以瓜牙之士。而傾之以服心道義之臣。此所以武臣皆知忠義。而同德同心也。

**保氏** 下大夫一人。中士二人。府二。掌諫王惡而養國子以道。人。史二人。胥十人。徒六十人。

乃教之六藝。一曰五禮。二曰六樂。三曰五射。四曰五馭。五曰

六書六曰九數乃教之六儀。一曰祭祀之容。二曰賓客之容。三曰朝廷之容。四曰喪紀之容。五曰軍旅之容。六曰車馬之容。

容

**注** 韜保諫王惡義已見前。道即六藝。六儀。五禮。吉凶軍賓嘉也。六樂。雲門大咸大韶大夏大濩大武也。五射。白矢參連剡注襄尺井儀也。五馭。鳴和轡逐水曲。過君表舞交衢。還禽左也。六書。象形會意轉注虛事假借諧声也。九芻。方田粟米差分少廣商功均輸方程。贏不足旁要也。祭祀之容。齊齊皇皇。賓客之容。穆穆皇皇。朝廷之容。濟濟翔翔。喪紀之容。纍纍。顛顛。軍旅之容。暨暨。詒詒。車馬之容。匪匪翼翼。少熾。玉六藝。道之所寓。使之得于事而應于心。六儀道之所形。使之根于心而生。

**論** 鄧氏元錫曰。古之教者。合道與藝而為一。故下孝人事。自然上達天理。今之教者。離道與藝而為二。故卑者溺

于技高者蕩于虛。此學之大辨也。曾氏鞏曰：古者享士  
之于六藝，射能弧矢之事矣。又當善其揖讓之節，馭能車  
馬之事矣。又當謹其指咳之儀，書非特能肆筆而已。又當  
辨其體而皆通其意，數非特能在策而已。又當知其用而  
各盡其灋，且視聽言動有其容，衣冠飲食有其度。在與有  
和，齋之聲行，步有佩玉之音，蓋其出入進退，俯仰左右，接  
于耳目，動于四體，達于其心者，養之如此，其詳且密也。其  
習之有素，閑之有具，求其放心而伐其邪氣，于以成文武  
之材，而就道德之實，不難矣。

凡祭祀賓客會同喪紀軍旅王舉則從聽治亦如之使其屬  
守王闈。

**闈**宮中之巷門。師氏之屬。倍于保氏。以中門外有四夷  
之隸。故多其人。以董之。保氏守宮中之闈。故用其半而  
也。是也。

司諫中士二人。史二掌糾萬民之德而勸之朋友正其行孟

切下而強枝養之道藝巡問而觀察之以時書其德行道藝

辨其能而可任于國事者以攷鄉里之治以詔廢置以行者

有。

**注** 司諫主以道督人之善者糾其德使日進于中和正其行使不流于邪僻勸之朋友欲其同志以輔仁強之道

藝欲其修身而窮理。巡問觀察所以辨其能即以攷其治。夫然後詔王以廢置而并行其赦宥焉。

**論** 御案曰白州長及族師無時不讀流以教民而考其德

行道藝復設司諫司救之官何也敷教在竟故鄉官之職

惟在教誘化育以與其賢能州長之糾不過合眾而警戒

之而劍懲之瀆無見焉。故設諫救二官以主夫民之不帥  
教者下云以行赦宥則不帥教者固有移左移右移郊移  
遂之瀆矣于德曰糾于行曰正矯其性質之乖異也于道  
藝曰強警其習業之偷惰也于朋友曰勸官長之督過難  
承同輩之曉切易入也苟能後悔仍時書其德行道藝辨  
其能而可任者猶將因材而器使焉司諫既順而勸之司  
救又逆而懲之司救之所不能救者乃歸于土此二官蓋  
教官刑官之接聯也。

司救

中士二人。史二  
人。徒二十八。

掌萬民之表惡過失而誅讓之以禮防

禁而收之。凡民之有表惡者，三讓而罰，三罰而士加明刑。諸嘉石，役諸司空。其有過失者，三讓而罰，三罰而歸于園土。凡歲時有天患，民病則以節巡國中及野，而以王命施惠。

**注**司救。主以禮救人之過者，表惡過之大者，過歲過之小者，誅讓言責之也。防禁禮制之也。民有表惡責之三而不改，則撻之。撻之三而不改，然後士官加以明刑去其冠飾而書其罪于背，使坐于嘉石。隳桎梏朝以耻辱之。役諸司空以困折之。若過失已著而仍不改，則近于罪矣。故三責三撻之後，書則任以事而夜則收之獄，不必明刑之也。天患謂灾害。施惠謂賜恤。拯其艱阨亦救之也。但鄉師以王命施惠不以節。而此以節者，彼循其常，此一時之恩，故執以明信也。

**通**御案曰：先王之世，所以教閭閻之秀民，則有家塾黨庠。

州序之師教王世子王子國子則有師氏保氏而又合之  
于成均灋無不備矣此外農工商賈下逮隸圉有一人之  
不教則聖人之心惻然有隱而于正教必有所壅然惟學  
工始可責以六德六行六藝之備至于平民少習閭閻之  
教則循理奉灋爲善去惡其實事卽在政役弛舍發徵期  
會農桑衣食居遊作息之間故別立司諫司救之官巡問  
而觀察之糾德正行者藝辨能以勸其從誅惡警過三讓  
三罰以懲其違所以德教蒸于四海而可致刑措也

鄭氏錡曰王者以天下爲一身己之德成而無過亦欲天  
下之民有德行而無過惡故爲民設司諫猶己有詔燉之



頭爲民設司救。猶

已有諫惡之保。

調人下士二人。史掌司萬民之難而諧和之。凡過而殺傷人

者以民成之。鳥獸亦如之。

**調**

調和也。主和仇讐之官。和解仇讐。使順情灑也。過謂談

**調**

殺傷鳥獸殺傷。如馬蹏牛觸之類。以民成之。謂使鄉里

之民共和解之。所謂調之也。

凡和難交之讎辟

音避

諸海外。兄弟之讐辟諸千里之外。從

才用切

下同

父兄弟之讎不同國。君之讎。眡父師長

知兩切

之讎。眡

兄弟主友之讎。眡從父兄弟。弗辟則與之。端節而以執之。

**辟**

辟。謂使殺傷人者辟之也。父兄之讎而可和者。以過而

殺傷言。蓋當報而不報。于情有不安。在海外。在于里之

外。在異國雖不得報。亦可以少慰其志矣。主友謂友之最親密而可主者弗辟。謂和之而不肯辟。與以瑞節使調以徑執之。將以歸于土而罪之也。瑞節如印信文書之類。

凡殺人有反殺者使邦國交讎之。凡殺人而義者不同國。

三

行。令勿讎讎之則死。凡有鬪怒者成之不可成者則書之先

動者誅之



**讎** 反復也。復殺者欲除害弱敵也。邦國交讎。明諸侯得即誅之也。殺人而義謂殺之得宜者。被殺者之子孫不得讎。讎則加之以死刑也。鬪怒謂怒而爭鬪者。亦和平之。若不可平。則書之以記其事。于首發難者誅責之。

媒氏 下土二人。史 掌萬民之判。凡男女自成名以上皆書年

月日名焉。令男三十而娶。女二十而嫁。凡娶判妻入予者皆

書之

**媒**

媒氏主合婚姻之官。媒之言謀也。謀合二姓使成伉儷也。判別也。男女之合必行媒者。以有別也。書年名以與媒氏使合之也。男長女幼者。陽舒陰從。男三十筋骨堅強。任為人父。女二十肌膚充盈。任為人母。合為五十。應大衍之數。生萬物也。娶判妻。謂已出之婦。入子。謂他人之子。書之。慮其有悔也。

中音仲

春之月合會男女。於是時也。奔者不。禁若無故而不用。

令者罰之。司男女之無夫家者而會之。

御案曰此三十七字。蓋莽欲所增竄官。曾男女而聽其自。

奔猶未為已。無夫家而聽其自。奔雖亂國汚吏不能布。

此為之所會者為。與之齊終身不改。

之義... 不... 也

凡嫁子娶妻入幣... 過五兩亮

入幣謂納幣純帛... 卷之共為一端... 必言兩者欲得其配合之名... 士者象五行十日相成也... 古庶人納幣之數止此... 詳于禮而儉于物... 此男女所以正婚姻所以時

禁遷葬者與嫁殤者凡男女之陰訟聽之于勝國之社其附

刑者歸之于土

遷葬謂生時非夫婦既葬遷之使相從者殤謂十九以下未嫁而死既死而合葬者陰訟爭中冓之事以觸瀆者勝國亡國也就而聽之

明不宜也士司寇之屬

司市

下大夫二人上士四人中士八人下士十有六人府四人史八人胥十有二人徒百有二十人掌市之

治教政刑量度禁分以次叙分地而經市以陳肆辨物而平

市以政合禁物靡而均市以商賈音古下阜貨而行布以量

度成賈同而徵債音以質劑津私切結信而止訟以賈民禁僞

而除詐以刑罰禁辨音而去起呂切盜以泉府同貨而斂賒傷

切



**注**司市市官之長主交易之事者治以理之教以化之。以正之刑以制之。量斗斛度丈尺。禁者使勿為令者使為之也。市官各以所居之次為叙分之。即所以經之肆中各以其類之物為陳肆之正所以平之。後靡不行。貨物自均商通賈。泉府。物有定價所以徵買者之來。又契有憑。可以。民能知真偽。則物之欺詐除刑罰所以。民有餘則官為斂貨。民同之也。

大市戶凡而市商賈為主

市之時而市凡則有執鞭度守門市之

羣夷平肆展成奠賈上當作次以合市市師

焉而聽大治大訟胥師賈凡于介次而聽小治小訟凡萬

民之期于市者辟音布者量度者刑戮者各于其地之叙凡

得貨賄六畜者亦如之三日而舉之

**通**

大市者鄉邑相交易也必日昃者遠邑乃可至也賈以

朝者成議轉物必窮日乃可畢也販夫婦以夕者日用

所需隨求輒得也市入市者入也胥守門所以察詐偽執

鞭以威衆執度以正度也不肆謂平其行列展成謂整其

市物真賈謂定其貨直上旌使民望見旌則知當市也司

次司市者之舍介次副司市者之舍治謂市之政令訟謂

市之爭競期于市謂欲售其貨碎布謂欲通其泉量度  
欲較其斗斛丈尺刑戮請犯濫者以叙使各至其應歸之  
肆則事不紛而易治也人有遺物得之者亦使各置于其  
地俾失者易干求若三日而無主則登諸冊以俟之焉

凡治市之貨賄六畜珍異亡

音無

者使有利者使阜害者使亡

靡者使微凡通貨賄以聖節出入之國凶荒札喪則市無征  
而作布

**注**

亡謂市之所缺利謂民之所賴害謂無當于民用靡謂  
多傷于民財使有之皂以漸而積之也使亡使微以漸

而革之也聖節印章之屬所以通商者貨賄自內出者由  
市而達之門及關自外入者由關而通之門及市皆以聖  
節也無征之謂也  
作布者

凡市偽飾

二在商者十有二在賈

音古

者十





士爲之。其大綱固已舉矣。猶慮夫情偏之不勝窮。耳目不足。以盡防也。故自胥師至肆長。必使司市辟之。精于同察者。則以爲胥師。明于物賈者。則以爲貝師。司競以禁鬪。司稽以執盜賊。胥以襲其不正。肆長以辨其名實。凡市肆所當曲防者。莫不各凡其司。則孰敢爲梗乎。又慮商賈有淹沮之虞。齊民有倉卒之需。于是設爲泉府之官。以匱入之征布。而制斂散之權。用以濟市政之窮。是以欺詐不生。而民用無所缺也。

質人

中士三人。下士四人。府二人。史四人。胥二人。徒二十人。

掌成市之貨賄。人民牛馬

兵器珍異凡賣

音育

質劑

音資

焉。大市以質。小市以劑。掌稽

市之書。共同其直。文宣其淳。

音年

制。巡而攷之。犯禁者。舉而罰

之

**質**

質平也。質。八。五。定。者。必者。平其價。使交相易也。八。民。謂。以。婢。馬。曰。質。取。于。市。物。之。券。同。度。量。

此官下。有八。應。八。

欲其長短如一。壹淳制。欲其匹幅如一。既巡於之。又舉罰之。則詐僞者無所容矣。

凡治質劑者。國中一旬。二旬野。三旬都。三月邦。國。朞內

聽。期外不聽。

**凡以契券求訟者。量地之遠近。各以其期。後期則不治。所以絕民之好訟。且息文書也。**

廛人

中士二人。下士四人。府二人。史四人。胥二人。徒二十人。

掌斂市稅

同

布總布質布

罰布。廛布。而入于泉府。凡屠者。斂其皮角筋骨。入于玉府。凡

珍異之有滯者。斂而入于膳府。

**凡**

廛市宅。廛人主斂泉者。布泉也。居次而分其利。為次布。合總而計其入。為總布。質人立契之稅。為質布。罰者。犯

禁之所罰。廛者。積貨之所。稅其布。皆入于泉府也。皮角筋骨。屠之餘財也。則斂之以當稅。珍異有滯。久將腐財矣。則

買之以紓民。  
皆仁政也。

胥師二十肆一人皆二史各掌其次之政令而平其貨賄憲刑禁焉察

其詐偽飾行債音育慝者而誅罰之聽其小治小訟而斷之

**注**胥師羣胥之長自此以下皆司市所自辟除者矣治事之所憲表懸之也債慝謂詐為偽物以欺人者察而治

之。所以厚民俗聽小治訟。又所以分司市之任也。

賈音古師二十肆一人皆二史各掌其次之貨賄之治辨其物而均平之

展其成而奠其賈同價然後令市

**注**賈師主定貨賄之價者矣所居之舍也辨物謂別其善惡均平謂各以其平也視其平則不紊定

其價則不爭如市令市此所謂政也

凡天患禁... 有恒賈西時之珍異亦如之凡國之賣

債各帥其屬而... 凡師役會同亦如之

**積** 貴債者如囤積米穀... 薦新之類官有買賈師役會同亦有軍市使賈師更代

且均勞逸也。

**司號** 一人。掌憲市之禁令禁其鬪器者與其號亂者出入相

陵犯者以屬游飲食于市者若不可禁則搏而戮之

**司號** 主禁市中之為惡者力爭為鬪口爭為鬪號者虐物亂者悖理陵犯如爭塞往來飲食如聚飲聚食搏執也。

**司稽** 一肆一人。掌巡市而察其犯禁者與其不物者而搏之掌執

市之盜賊以徇且刑之

**注** 司稽佐司疏者不物謂不  
如武之物刑之升之也

**胥** 一肆 各掌其所治之政執鞭度而巡其前掌其坐作出入

之禁令襲其不正者凡有罪者撻戮而罰之

**注** 胥又可稽之佐禁令使其無得爭  
先後拘以亂市濫襲謂掩其不備

**肆長** 每肆 一人 各掌其肆之政令陳其貨賄名相近者相遠也實

相近者相爾 同也而平正之斂其總布掌其戒禁

**注** 肆賈人 藏貨之邸長則市中給循役者相近者相遠如  
布帛之名同而制之精粗則異相近者相爾如牛馬之  
實異而物之肥瘠則同平者平其價之實正者正其物之  
名總布買除官物之布之總數斂則收之入于廛人也

**論**集註曰先王之立市也不使雜于閭里懼其亂教也不使士農為之其亂俗也設于朝之後國之陰而主之

以及命夫婦皆不得過市過則有罰先王之遠利何如哉

昔者晉之富商幸籓不繼以過于朝而曰雖有澤車華服不改與土君子齒則問公之遺化猶存什一于千百也後

世立市無瀰土農雜而為之是以人皆驚于利士君子而有商賈之行聖人以道治天下之意無復存矣

**泉府**上土四人中土八人下土十有六人府四人史八人徒八十人掌以市之征布斂市之

不售貨之滯于民用者以其價買之物音而書之以待不

時而買者買各從其抵同都鄙從其主國人郊人從其有司

然後予之

**注**泉府主泉布之府者征布即屋所斂之五布也市有貨滯而不售者則以征布買而收之所以便商非以其賤

也民有貨缺而欲買者則各仍其原價而給之所以便民非以其貴也此王者公天下之心也概猶本主謂其次夫有司謂其吏恐姦民乘急販賣官為所欺也

**通論** 馬氏端臨曰買之于方滯之時賣之于急需之際此與常平貴糶賤糶之意同泉府則以泉易貨常平則錢易粟其本意皆以利民非謀利也然後世常平之濫轉而為和糶且以其所儲供他物而不以濟民失本意矣

凡除者祭祀無過旬日喪紀無過三月凡民之貸者與其有司辨而授之以國服為之息凡國之財用取具焉歲終則會其出入而為其餘

**謂** 賒贖也 祭祀喪紀之故從官贖物也吉事不廢業則旬日償之喪紀廢業故寬至三月乃取償焉貨謂出息以取其利以國服為息謂還本之後計日服國事以為息也國之財用謂國事所用之財物以布市者取具于泉府

也納其餘謂入其餘于職幣

**論**

御案曰唯祭祀喪紀而後有賒則他禮事且不聽賒矣安得更有所謂貸哉先王抑末以歸農萬無資商賈以陰

取其利之道此三語乃莽歆增竄無疑

司門下大夫二人。上士四人。中士八人。下士十七人。有六人。府二人。史四人。胥四人。徒四十人。掌授管鍵以

啟閉國門幾同出入不物者正當作征其貨賄凡財物犯禁者

舉之以其財養死政之老與其孤

**司門**主王城之門所以防奸宄通賓客者也管卽匙以啟門鍵卽鎖以閉門。譏察不物者謂異言異服之人。征

貨賄唯國門有之。餘門皆無征也。舉謂登之于冊。老謂死國事者之父母。孤謂其子見遣人職



祭祀之牛牲繫焉監

音

門養之凡歲時之門受其餘凡四方

之賓客造焉則以告

**注**

監門門徒充人職散祭祀之牲不在牢以門徒養之以其人多而力闕也歲時之門謂祭門餘謂祭餘告謂告

于王以逆賓

司關土士二人中士四人府二人史四人胥八人徒掌國貨

之節以聯門市司貨賄之出入者掌其治禁與其征屨凡貨

不出于關者舉其貨罰其人凡所達貨賄者則以節傳張戀切

出之國內札則無關門之征猶幾

**注**司關主境上之門所以達貨財通賓客者節通貨賄之

之門與關也。治謂治其出入先後。禁謂禁其靡害飾偽。征者征其出入之貨。廛者賦其市地之廛貨。不出關謂從私道以辟稅或藏匿禁物者。舉謂簿計其貨。罰謂量征其布。凡所應進之貨。輸則授以璽節。附以傳辭而出之。凶札則不征其稅而譏其出入所以防奸也。

凡四方之賓客。攸關則為之告。有外內之送令。則以節傳

出內音老

**圖** 攸關謂朝聘謁關人。送令謂奉貢獻及文書。自外來者則納之。自內往者則出之。當以節與傳為信也。

掌節上土二人。中十人。府二人。 掌守邦節而辨其用以禁

王命守邦國者用玉節。守都鄙者用角節。凡邦國之使節。出

國用虎節。土國用人節。澤國用龍節。皆金也。以英蕩吐党切

之門關用符節貨賄用璽節道路用旌節皆有期以及節凡  
通達于天下者必有節以傳輔之無節者有幾則不達

**節**

節所執之信掌節主諸節者也守邦國用玉欲其比德也守都鄙用角取其觸邪也山多虎平土多人澤多龍

所往之地各有其宜也三者皆鑄以金而盛以英蕩之函

蕩竹器重王命也英蕩乃竹名英乃玉節收蕩疑是以蕩

葉書節三節之外又加手執之器以爲旌之制以爲王命

所以別于三者也計以爲函恐非輔義符節以竹爲之

璽節以印爲之旌節析羽爲之反節謂往來必有期事畢

則反其節也未三句總結上文見無節傳者俱不得達也

**論** 陳氏傅良曰周官凡往來必有節是以其時大夫無私

交士無游說民皆土著周衰國自爲政在民所之無所

稟命蓋王官之守不行于外服矣漢文時盡去關禁當時

矯僞者乘傳而行郡國出粟賦錢至莫敢誰何乃知先王

制善也

其制善也

人。中大夫二人。上士八人。中士十有六人。旅下士三十有  
三人。府四人。史十有二人。胥十有二人。徒百有二十八  
黨。邦之野以土地之圖。經田。野造縣鄙。形體之濶。五家為鄰。

五鄰為里。四里為鄒。作管五鄒為鄙。五鄙為縣。五縣為遂。皆

有地域溝樹之使。各掌其政令刑禁。以歲時稽其人民而授

之田野。簡其兵器。教之稼穡。



**注**遂人主六遂者。郊外曰野。此野謂甸。稍。縣。都。從。二。經。畫。也。以土地之圖。經畫其野也。鄰里鄒鄙縣遂。猶郊內比。

閭族黨州鄉兩者互見也。溝以通水為限。樹以榆木為固。稽人民計其所轄也。授田野。授之百畝也。簡兵器以禦患。

教稼穡以興利也。

**通**內六鄉而外六遂。遂去王城百里。遂外采地參焉。教必始于近。以六鄉為四方之標準。耕必勤于遠。以六遂為

王畿之勸相。集註曰。鄉民廛宅接比。行保伍之灋。易。民野處四散。行保伍之灋難。故必經田野造縣都。然後可以定民居。制保伍以定民居。與制井田以起軍賦不同。井田以四起數。民居以五起數。井天下之田。用邱甸灋。比天下之居。用保伍灋。故曰地不里居。田不井授。終荷道也。

凡治野以下劑。津利切。際致。昨音芒。下同。以田里安昨。以樂昏擾。

昨。以上宜教。昨稼穡。以興鋤。助利昨。以時器勸昨。以疆音陽切

予余呂切任昨。

**注** 治野言凡者通乎都鄙總言其灋也。昨謂在田之民。下劑謂下等之地。以下地為例。則民必樂于授地。有田里可居。則必相依不舍。有婚姻匹配。則必馴順不離。教以土。寒之所宜。則皆知稼穡。勸以相助之功。則各得其利器。耒耜之屬。以時給之。所以勸耕。疆者有力之家。額外予之。所以任事也。

地宮下 遂入

三

辨其均平征辨其野之土。上地中地下地以頒田里。上地夫

一。廛田百晦。萊五十。晦餘夫亦如之中地夫一。廛田百晦。萊

二百。晦餘夫亦如之下地夫一。廛田百晦。萊二百。晦餘夫亦如

之

**注**平征者。謂平其貢賦與力役之心也。辨其土者。謂辨其

上之色分爲三等。以授田里也。夫廛。謂邑中所居之地

田百晦。謂一夫所授之田。萊。謂田之休不耕者。中地不及

上地。故萊倍之下地。不及中地。故萊又倍之。餘夫。謂壯而

有室。其家已滿六七人之數者。孟子所謂餘夫二十五晦是也。亦如之者。如其萊也。

凡治野。夫間有遂。遂上有徑。十夫有溝。溝上有畛。百夫有洫。

虛域切

洫上有涂。千夫有澮。

古外切

澮上有道。萬夫有川。川上有

路以達于畿

**五**遂溝洫澮皆所以通水于川者。遂廣深各二尺。溝倍遂。洫倍溝澮又倍洫。蓋澮廣深各有二尋也。徑畛涂道路

皆所以通行于國者。徑容牛馬。畛容大車。涂容車一軌。道容車二軌。路容車三軌。蓋縱橫皆通。可達王畿也。一夫之

田為百畝。其間有遂。遂上有徑。十夫之田為千畝。其間有溝。溝上有畛。百夫之田為萬畝。其間有洫。洫上有涂。千夫

之田為十萬畝。其間有澮。澮上有道。萬夫之田為百萬畝。其間有川。川上有路。以南北分之。一行隔一夫。即所謂畝

百步通一步。每步六尺。畝間有畝。畝廣深各一尺。故夫間之。遂倍之。徑不。言畝者。該在畝中。不另占地。遂徑以土。則

有地。故不言耳。十夫則于首為橫溝。十溝即百夫于東

大川。此川亦人所作。蓋亦倍澮。與匠人澮水所注之川異。詩云。今適南畝。又云。南東

其畝。故以南畝圖之焉。**新**小司徒。九夫為井。匠人亦九夫為井。遂人獨言十夫有

何也。黃氏度曰。一井十夫。其中為遂。而溝環之。田占

地官下遂人

九夫而兼溝實有十夫之地。故云十夫也。陳氏祥道曰。遂人所言者積數也。匠人所言者方瀆也。積數則計其所有言之。方瀆則積其所圍之內言之。其實一制也。

**通論**

鄭氏樵曰。遂人云。十夫有溝。百夫有澮。千夫有澮。萬夫有川。若按文讀。則一同之地有九萬夫。當得九川。似乎

大矣。匠人云。井間有溝。成間有澮。同間有澮。若按文讀。則一同之地惟有一澮。又似乎太少。二處不同。此註所以謂鄉遂為溝澮瀆。采地為井田。澆。不知匠人之制舉大概而言。遂人之制舉一端而言也。今畫為圖。一成之地計九溝。橫通一澮。是十夫之地有一溝。百夫之地有一澮。九百夫之地有九澮。而為一成之地。若一同之地有百成。九萬夫。一孔為一成。中有九澮。橫一列九。有十成。計九十澮。並通一大澮。橫九澮。而兩川周其外。是為九萬夫之地。合而言之。成間有澮。是一成有九澮。同間有澮。是一同有九澮。匠人遂人之制。無不相合。周家井田之澆。通行于天下。未嘗有鄉遂采地之異。朱子曰。漢志言秦廢井田。開阡陌。阡陌者。舊說以為田家之道。即周家所謂徑畛涂道也。蓋陌



之爲言百也。遂洫從而徑涂亦從。則遂間百畝。洫間百夫。而徑涂爲百矣。阡之爲言干也。溝洫橫而畛道亦橫。則溝間于畝。澮間于夫。而畛道爲干矣。阡陌之名因此而得。其占地不得爲田者頗多。非虛棄之也。所以正經界。止侵爭。待蓄洩。備水旱。爲永久之計。有不得不然者。商君以其刻急之心。行苟且之政。但見田爲阡陌所束。而耕者限于百畝。則病其人力之不盡。但見阡陌之占地太廣。而不得爲田者多。則病其地利之有遺。又當世衰蕩。壤之時。則其歸授之際。必不免有煩擾。欺隱之弊。而阡陌之地。切近民田。又必有陰據以自私。而稅不入于公上者。是以一旦奮然不顧。盡開阡陌。悉除禁限。蓋第知有目前之利。而不復爲後世計。長久。于是千古聖賢。制作精微之意。斷盡矣。豈不惜哉。

以時登其夫家之衆寡及其六畜車輦辨其老幼廢疾與  
之所舍者以頒職作事以令貢賦以令師田以起征役若起

野役則令各帥其所治之民而至以遂人之大旗致之其不

用命者誅之

**注**登夫家四句註已見前。頒職即太宰之九職。作事即司

徒之十二事。貢即九貢。賦即九賦。師田田獵必用師。注

役役民必有征也。野役者在野之民。大旗者

熊虎之旗。以旗致之而不至。是不用命也。

凡國祭祀共野牲令野職凡賓客令修野道而委積大喪帥

六遂之役而致之掌其政令及葬帥而屬

陳後凡事致野役而師田作野民帥而至掌其政治禁令

**注**國祭祀言非遂之祭。醜蜡社乃前哲合德之祭祀。在野

者野牲明非牧人之牲。野職則野之職。祭祀者也。致役

謂致于司徒以給葬事。綽舉棺之索。窆下棺之時。陳役者

下棺時千人執綽背碑負引陳其行列也。上言起野役令

縣正之屬帥而至于遂。此則親帥而至于其地也。

遂師下大夫

各掌其遂之政令戒禁以時登其夫家之粟

六畜車輦辨其施舍與其可任者經牧其田野辨其可食者

周知其數而任之以徵財征作役事則聽其治訟巡其稼穡

而移用其民以救其時事



**韜**

遂師猶六鄉之鄉師四人同主六遂也。彼言稽而此不稽者以有遂大夫稽之也。經謂經畫其田牧謂井牧其地辨其可食者謂辨其可耕而食者以地有不同也。蓋辨

其可食然後知井牧田野之數以頒地任民而斂其財也。役事謂軍役田獵工作之事人情避重就輕好獎為左故聽其治訟也。辨訟之時早晚不同緩急亦異移用民以轉相助方亦救濟之良彙也。

**通** 御案曰讀禮與賢詳于六鄉。經野勸農詳于六遂。鄉師  
 之國及野而賜萬民之艱阨則遂可知矣。遂師移用其民  
 以救其時事則鄉可知矣。後世民自為耕稼有水旱富者  
 尚能自救而貧者則坐視其困之蕪沒然後知先王設官  
 以移用其民慮事周而興利溥也

金氏瑤曰。五黨相賜。以財通也。移用其民。以力通也。周官濟水旱之大經。莫要于此。

凡國祭祀審其誓戒共其野牲入野職野賦于玉府賓客則  
 巡其道修庀音庇其委積大喪使帥其屬以帷音奔先道音野役  
 及窆抱磨音歷共邱音籠音魯孔及屨音軫車之役軍旅田獵平野



遂大夫遂大夫猶六鄉之有鄉大夫。政令戒禁治訟與。谷掌其遂之政令以歲時稽其夫家之衆

遂大夫遂大夫猶六鄉之有鄉大夫。政令戒禁治訟與。辨其可任者與其可施舍者以效稼穡以稽事

遂大夫遂大夫猶六鄉之有鄉大夫。政令戒禁治訟與。令戒禁聽其治訟

**注** 遂大夫猶六鄉之有鄉大夫。政令戒禁治訟與。遂師同。蓋六遂之事。師與大夫之所專掌也。

令為邑者歲終則會政致事正歲簡稼器修稼政三歲大此

則帥其吏而興厠。明其有功者屬音燭其地治者斥為邑者以

四達戒其功事而誅賞廢興之

**注** 為邑者。自里以上皆謂之邑。在邦甸則為公邑。在家稍則為家邑。在六都則為都邑。皆有吏焉。故遂大夫令之

與。厠者。于厠中舉其賢能也。有功謂治有成績地治謂田無荒蕪四達者。自遂以達于甸稍縣都之公邑也。

田無荒蕪四達者自遂以達于甸神農之公邑也

**通論**黃氏度曰。鄉之所賢者皆以德。所能者皆以道。遂夫嘗以此教之。毗即遂人。下劑致之。田里安之。樂昏擾之者

也。七萬五千家。必當有傑異聰慧者。于是乎興之。易氏

政曰。小雅云。或耘或耔。黍稷薿薿。攸介攸止。烝我髦士。求髦士于或耘或耔之間。即六遂與毗之遺意也。

**縣正**每縣下大各掌其縣之政令。徵比以頒田里。以分職事。夫一人。

掌其治。訟趨音促其稼事而賞罰之。若將用野民師田行役移

執事則帥而至治其政令。既役則稽功會事而誅賞。

**通**縣正六遂之縣。正其長也。徵徵召。比案比。頒田里。即夫一厘田百疇。分職即九職。訟事則治之。稼事則促之力。

有賞情民。有罰稽功者。分考其能。會事者。合計其功。

**通**氏庶電曰。縣正猶鄉之州長。州長有讀彙攷行。而縣正闕如。遂大夫之與毗。將安所稽乎。其為互見可知也。

鄩師每鄩上士一人各掌其鄩之政令祭祀凡作民則掌其戒命以

時數其衆庶而察其燬惡而誅賞歲終則會其鄩之政而

事

**四**鄩師猶黨正。祭祀祭祭也。以黨作民起師也。數其

庶五百人少故可數也。燬謂成于鄉三物者。惡謂陷于

鄉入刑者數而察之。將以待遂大夫之興之也。鄩作管長切鄩每鄩中各掌其鄩之政令以時校登其夫家

比其衆寡以治其喪紀祭祀之事若作其民而用之則以旌

鼓兵革帥而至若歲時簡器與有司數之凡歲時之戒令皆

聽之趨音其耕耨稽其女功



**注** 四里為鄴，猶鄉之四門為族長亦師也。作田而用與族師之鼓鐸旗物皆寓兵于農之滬無事則為民之師有事則為民之帥。治喪紀祭祀課民耕桑與族師之讀滬書行皆五交錯舉以見義男則事無不與女亦教無不行也。

里宰每里下掌比其邑之眾寡與其六畜兵器治其政令以

歲時合耦于耒以治稼穡趨音足其耕耨行其秩叙以待有司

之政令而徵斂其財賦。



**注** 里宰猶鄉之間胥邑即里也。比眾寡則知戶口之登耗。比六畜則知物產之盛衰。比兵器則知金革之備乏。耦並也。耦功也。歲之四時合耦而作以相佐助以治稼穡也。財賦之爭遂人合之遂師徵之。下于縣正以迄里宰而後里宰徵斂之所謂比也。司之政令也。

**注** 三子八家同養公田。即合耦之意。然非此一井蓋合而耕十千畝之田。詩所謂亦服爾耨守子維耦。

鄰長五家掌相糾相受。凡邑中之政相贊。徙于他邑則

從而

**圖** 五家為鄰。長以帥之也。五家有過，則相糾察。宅舍有故節使無

節使無

**圖** 易氏祓曰：有貢賦稅斂焉。五家相與贊其財，有師田行役焉。五家相與贊其力。此上之政合，所以易共也。

旅師中士四人，下士八人，府二人。掌聚野之勸音粟屋粟間

粟而用之。以質劑音資致民。平糶其糶，積施其惠，散其利而均

其政令。凡用粟，春頒而秋斂之。

旅師主... 斂者... 糶粟合... 糶者... 糶者... 糶者...

**注**旅師主斂縣師所徵野之賦稅者。鋤粟合耦不至者所罰之粟也。屋粟有田不耕者所出三夫之稅也。問粟民無職事者所出一夫之征也。三者旅師皆蓄聚于田里。用以濟民。與積謂發其粟。均政合謂施散皆使之均平。春頒秋斂。言春時不足則補之。秋時有餘則收之也。

凡新阡之治皆聽之使無征役以地之媿惡為之等

**注**新阡謂新徙之民已授以地而使無征役者謂限以歲月以三地為之等至期乃征役之耳。

稍去聲人下士四人史二掌令邱乘之政令若有會同師田行

心之事則以縣師之灋作其同徒掾輦帥而以至治其政

令以其六喪帥蜃車與其役以至掌其政令以聽于

司然

**稱**王城三百里。稍人主為縣師治都鄙。邱甸之政令者。出于井邑。邱甸縣都。此但言邱乘者。以一邱出一

馬。四一乘。井邑之兵自此成。縣都之兵由此始。故舉以為存。言之者治其兵賦也。將有事焉。縣師受

稍人。受漢于縣師。凡其作之師之治之聽之者。稍人之瀆也。云以縣師之瀆以聽于司馬。若

司徒總之。而遂人遂師與稍人皆帥之。故云以聽于司徒。

**論**易氏祫曰。萬二千五百人為一軍。每乘當用七十五人。四邱為甸。甸之為井者。凡六十有四。其為夫者。凡五百

七十有六家。出一人為正卒。每次調發。則五百七十六家。共出七十五人。并一革車。其餘未調發者。可以應數。次調

發。所謂萬二千五百人為一軍者。非盡發六鄉之人。乃是合諸邱之乘。共為一軍也。

**委人**。中士二人。下士四人。府。掌斂野之賦。斂薪楚。凡甌材木

材。凡畜聚之物。以稍聚待賓客。以甸聚待羈旅。凡其餘

身本

聚以待頒賜

**三**委人主斂芻薪以共委積者野之賦謂野之園圃山澤之賦薪以烹鼎楚以牧牲凡疏材草木之有實者凡音聚之物瓜瓠葵芋禦冬之具也稍廣故以其聚待賓客其禮備也旬小故以其聚待羈旅其用微也

以式漙共祭祀之薪蒸木材賓客共其芻薪喪紀共其薪蒸木材軍旅共其委積薪芻凡疏材共野委兵器與其野園財用凡軍旅之賓客館焉

**四**式漙政事之多少也粗者曰薪細者曰蒸芻以飼牛馬薪以共炊煖木材以給張事委積芻薪委積之芻薪也野委止宿之芻薪也兵器守委之兵器也野園之財謂園中竹木蒲葦魚鱉之財亦曰園之財也賓客謂師行領軍歷其地非朝聘之賓客也館舍也

土均上士二人。中士四人。下士八人。史二人。史四人。胥四人。徒四十人。以

均地守以均地事以均地貢以和邦國都鄙之政令則禁與

其施舍禮俗喪紀祭祀皆以地媿惡為輕重之灋而行之掌

### 其禁令

**注**土均主均平土地之稅者地守山澤虞衡之屬地事三  
農園圃之屬地貢即九職之貢均之則高下媿惡輕重

各得其平矣和調劑也數者雖有一定之禮而  
細微必從其俗故為因地制宜使適于和也

草人下士四人。史二人。徒十有二人。掌土化之灋以物地相息亮其宜而為

### 之種

**注**草人主殺草以漬種者化猶變也種之在地各有所宜  
草人相視之而糞其種則濟者可以化之使肥惡者可

以化之  
使嫩也。

凡糞種駢剛用牛赤緹音是用羊墳壤用麋渴音渴澤用鹿鹹渴

昔音昔用豕音喜元勃壤用狐埴音職墟音盧用豕彊其兩切槩呼覽切用薑

輕輿匹妙切用犬

**注**糞種謂煮其骨汁以浸種也赤緹線色渴澤故時停水之處鹹瀉積水已消之區勃壤粉解者埴墟黏疏者彊

槩彊堅者輕輿輕脆者九者所用之汁不同皆以助其種之生氣以投合地氣也黃麻屬

稻人上士二人中士四人下士八人掌稼下地以諸音許六

水以甞止水吐黨切以遠均水以列六計切舍試夜切水

以澮古外切寫此野切水以涉揚其芟作田凡稼澤夏以冰參草

地官下 種人

而芟蕘音之澤草所生種之芒種章勇切

**注** 稍人主水利者。稼種穀也。下地小澤之地也。防之水聚者多。則以溝蕩之于遂。水流既均。則以列居之于舍。若各舍皆滿。則瀉之于滄。以達于川。遂列三者皆所以用水之利。滄者則所以除水害也。揚其芟者。謂開遂舍水于列中。因涉之揚去。前年所芟之草。而治田種稻也。稼澤言治澤地之瘠。澤草最爲難除。夏日積水上柔。因水力以絕其本。則草不復生。而可稼也。芒種謂稻。

旱曠音共其雩斂方驗切喪紀共其葦事

**注** 曠旱之熱氣。雩斂因雩而斂。以其祭祀之用。者葦乃下地所生。喪用葦席爲幕。故並共之。

**通** 葉氏時曰。遂人之溝洫。與水利也。草人掌土化。辨糞壤也。稍人掌稼下地。蓋土利也。一稼穡也。司徒教之。遂人

以教之。一耕耨也。都長趨之。里宰又趨之。一種稷也。舍人懸之。司稼又辨之。凡可以佐農力者。灋無不備。若此。



士訓。中士二人。下士四。掌道地圖以詔地事。道地。慝以辨地。

物而原其生以詔地求。王巡守則夾王車。

**注** 土訓主訓講土地之官。道言也。地圖山川形勢之圖。地

地之惡者。地物謂上所出者。如礲确不宜稼。兵鹵不宜果。

是也。原其生。言物生各有其地。詔其求。言求物必于其地也。夾王車者。古左圖右書。土訓掌圖。誦訓

誦訓。中士二人。下士四。掌道方志以詔觀事。掌道方慝以詔

避忌以知地俗。王巡守則夾王車。

誦訓主誦說四方之事者。方志載一方之山川物產。欲

王之所忌。凡此皆以

地官下土訓誦訓出

大山中士四人。下士八人。府二人。史四人。胥八人。徒六十人。小山人。中山下士六人。史二人。胥六人。徒六十人。小山人。史一人。掌山林之政。命物為之厲。而為之守。禁仲

冬。斬陽木。仲夏。斬陰木。凡服耜。斬季材。以時入之。合萬民時。斲材有期。曰。凡邦工入山林而掄材。不禁。春秋之斲木。不入。禁。凡竊木者有刑罰。

**注** 虞度也。山虞掌度山林之政。合者物為之厲。謂每物各有藩界。守者使之不得取。禁者使之不得入。陽木生山南。斬以仲冬。日欲其濡也。陰木生山北。斬以仲夏日。欲其堅也。服車之材。耜農之器。季。稚木也。服。耜用。俛木。欲材與用相稱也。時。斲材者。斲材之時。有期曰者。出入皆有日數。恐過取而童其山也。不禁。謂無限。不入。禁。謂禁地。一謂王

民也。

若祭山林則為主而修除。且蹕若大田獵則萊山田之野及

弊田植虞旗于中。致禽而珥當作珥焉。

**注** 為主謂為祭山林之主。萊去草。弊田止也。田止樹旗。谷獲者皆致其禽而較耳。以効功也。

林衡每大林麓下士十有二人。史四人。胥十有二人。每百掌

巡林麓之禁令。而平其守。以時計林麓而賞罰之。若斬木材

則受瀆于山虞。而掌其政令。

**注** 衡平也。林衡主林麓之禁令者。平其守。謂平其藩界之守。可林麓。謂計其守護之功。林麓蕃盛則有賞。林麓發

缺則有罰也。山虞之

用衡每大林麓下士十有二人。史四人。胥十有二人。每百掌巡川澤之

周官山虞 卷五 地官 山虞 巡川澤之

禁令而平其守以時舍其守。犯禁者執而誅罰之。祭祀賓客

共川莫

**注** 川衡主巡川澤之禁令者。流水曰川。積水曰澤。禁令如均也。舍猶弛。川莫謂邊

豆之實。魚鱗蜃蛤之屬

**澤虞** 每大澤大藪視大山。中澤中。掌國澤之政令為之厲禁。數視中山。小澤小藪視小山。

使其地之人守其財物。以時入之于玉府。頒其餘于萬民。

**注** 澤虞主度澤一者財物如珠角齒貝之類。入于玉府。以當邦賦也。餘頒萬民。不私其利也。此與山虞皆五文以

見義于此言之。則彼之入于玉府。頒于萬民可知。

凡祭祀賓客。共澤物之奠。喪紀共其葦蒲之事。若大田獵則



非音人中土二人下土四人府二人。掌金玉銀之之地而為

之禁以守之若以時取之則物其地圖而授之逆其禁令

**注** 非礦也金玉藏于山石者是也。亦人掌其事防竊取以致患也。物地謂古其形色圖授使按圖而取不旁搜也。

角人下土二人府一人徒八人。掌以時徵齒角凡骨物于山澤之農以當

邦賦之政令以度量受之以共財用。

**注** 角人主徵角骨之物以為器用者此與羽葛皆以所有為賦度量所以為則不使多取也。

羽人與角人同。掌以時徵羽翻于山澤之農以當邦賦之政令凡

受羽十羽為審百羽為搏徒完。十搏為縛除轉切端

**注** 羽人主徵羽翻以共車旗之用者審搏縛羽數束之名羽不可以權度故也。

掌葛下士二人。府一人。史一人。胥二人。徒二十人。掌以時徵絺絺之材于山農凡

葛征微草貢之材于澤農以當邦賦之政命以權度受之

**圖** 掌葛主徵葛草以為絺絺者葛草各草苧屬。

掌染草下士二人。府一人。史二人。徒八人。掌以春秋斂染草之物以權量受

之以待時而頒之

**圖** 染草染色之草。掌染草主。六草者時謂染夏之時

掌炭下士二人。史二人。徒二十人。掌灰物炭物之徵令以時入之以權量

邦之用。凡炭灰之事

炭主徵炭灰之事者。灰以練帛。炭以禦寒。月令季秋木黃落。乃伐薪為炭。仲夏合毋燒灰。故云以病入之

地官下。掌染草。掌炭。曰八。尾。

者炭之用廣也。

掌茶下士二人。府一人。掌以時聚茶以共喪事。徵野疏材之

物以待邦事。凡畜聚之物。

**茶** 茶茅秀也。秦人主聚茶以備喪用者。茶亦疏材之類。徵者徵于山澤。入于委人。

掌廔下士二人。府一人。掌斂互物。廔是忍切物以共闡墻之廔

祭祀共廔器之。廔共白盛音成之廔

**廔** 廔大蛤。其灰白。掌廔主斂其灰者。互蚌屬亦廔類。闡塞也。塞廔灰于墻。以禦濕也。廔器者廔飾之器。白盛者廔

飾之  
糝也

圉人中士四人。下士八人。府二人。胥八人。徒八十人。掌圉游之獸。禁牧百獸。祭祀喪



紀賓客其其生獸死獸之物

**園苑**園也。園人主牧

**養禽獸**以共王用者。

**王**只應電曰。天官獸人掌園獸之政。凡所得獸。中殺而

**論**者則入于腊人。其生獲者。入于庖人。未及用而

可畜者。入于園人。地官以牧養為事也。其有猛獸不可

人于園者。則養于服不氏。夏官以服猛為義也。至子冥氏

掌攻猛獸。六氏掌攻螫獸。則秋官除惡之義。與驅猛獸同

道田獸一事。錯見于天地夏秋四官者。義有各當如此。

**場人**每場下土二人。府一。掌國之場圃而樹之。果菘珍異之

物。以時斂而藏之。凡祭祀賓客。其其果菘。享亦加之。

**場人**主場圃者。樹種植之也。果桃李之屬。菘瓜瓠之屬

珍異。蒲菊枇杷之屬。時成熟之期也。天官甸師已共祭

之果。茲復設場人者。

以取精。而用物弘也。

廩下大夫二人。士士四人。中士八人。下士十有六人。掌九穀

之數以待國之匪頒。明賜稍食以歲之上下數。疏利邦用以

知足石以詔國。原本用以治年之凶豐。凡萬民之食食音嗣者

人四鬴並同。上世人三鬴。中世人二鬴。下也。若食不能八二

鬴。則令邦移民就穀。詔王殺所界。邦用。凡邦有會同師役之

事。則治其糧。與其食。大祭祀則共其接盛。

**國** 廩藏米之處。廩人掌藏米之官。云九穀者。掌米兼掌穀也。明賜謂好用稍食。謂祿廩。數猶計也。因其入之多寡

權其禮之隆殺。所謂治年之凶豐也。金六斗四升。錾張。方尺。容斗五升。二合。有奇。於一釜。今二升半。是古每

一月食四釜。年之上也。三釜年之中也。二釜年之下也。不足給二釜。則凶年矣。移民就食。詔王殺用。皆治凶年

之禮也。行道日糧。止居日

不足給一... 移民就食... 王殺用... 皆治... 四年

之瀆也。行道曰糧。止居曰

食。按盛謂再春之粢盛。

**論**王氏志長曰。以稅入之多少。制國用之數。此成周賦

之所以不

善也

舍人。上士二人。中士四人。府二人。掌平宮中之政。分其財

以灋掌其出入



**禮**舍猶官也。舍人主宮中用穀者。政謂用穀之政。分送宮

正內宰為出。取于廩人為入。以式灋掌之。所謂平之也。

凡爾祀共簠簋實之。陳之賓客亦如之。共其禮。車米。包米。芻

米。喪紀共飯。米熬穀以歲時懸。稷之種。以共王后之春

獻種

外方內圓曰簠。外圓內方曰簋。實言其物。陳言其數。禮謂致饌之禮。飯米所以實口。熬穀錯于枵。辨九穀六米別為書政。穀之多少也。

中士四人。下士八人。餘同舍人。掌粟入之藏。辨九穀之物以待邦用。

若寡不寇則止餘瀆用有餘則藏之以待凶而頒之。凡國之

### 大事共道路之穀積食飲之具圖

倉積粟之處。倉人主藏粟之官。用有匪頒。明賜稍食之殊。故辨之。大事謂喪戎。食煖備。飲漿醴也。

### 司祿

先王班祿之制。自諸侯惡其害已而皆去其祿。則司祿之闕久矣。司祿蓋掌百官之祿者。

司稼。掌巡邦野之稼而辨其種。稷之種周知。人徒四十人。史四。

其名。與其所宜地。以為瀝而縣同于邑間。巡野觀稼。以年之

上下出敏瀝。掌均萬民之食。而明其急而平其與。

**國**

司稼掌穀種者。稼有百種。土各有宜。辨之而懸于邑間。使民瀝之也。敏民之瀝。自是仕一。此復云以年之上下。出敏瀝者。益于敏瀝之中。又為通融。上年從正。中平下年更為酌減耳。明急平與。則所謂秋省而助不給也。

**春人**

奄二人。女春抗。一人。奚五人。

掌共米物祭祀共其盥盛之。米賓客共

共寧禮之米。凡饗食共其食米。掌凡米事。

春人主治米。成熱之事者。

志切音

人。奄二人。女僮八人。奚四十人。

掌凡祭祀共盛。

音成

共王及后之

凡賓客共其簋簠之實。饗食亦如之。

地官春人。稷人。稷人。總論。

八主炊者共盛炊而共之也。六食  
穀之飯也。籩簋享食者發饗也。

音鳥一。奄八人。女棠每  
本作物。人奄二人。奚五人。掌其外內朝宀  
如勇食者之食

若饗者老孤子士庶子共其食掌案祭祀之犬

也。  
注。橐同稿橐。人主共給事外內朝諸侯之食者宀散也。謂  
土直在朝者。士庶子。卿大夫之子弟宿衛王宮者。案養

御案曰冢宰掌邦治舉其要耳。其僚屬庶尹皆經理王

宮之政至于遂生復性以寵綏斯民者未遑也。司徒之職

舉天子作君作師之事而致之于民。教始于鄉里故自小

司徒至此長入職專主六鄉。而牧田牛田在鄉有故封牧

牛充四職次之鄉之政有二曰征役施舍曰德行道藝載  
師至均人五職詳征役施舍之事也師氏至煤氏六職詳  
德行道藝之教也然則教養之道備矣施之天下何以加  
茲故曰觀于鄉而知王道也王國面朝後市王門十二在  
六鄉之內十二關門則臨畿上今次于鄉之下逐之上者  
市雖在國五百里疆界中凡五十之市皆在焉門關則連  
于市以達貨賄者關市有譏用節爲多故司市至司關十  
一爲一類而掌節附焉遂人至里宰專及田野之制稼  
籍之緒與六鄉互見爲義旅師如鄉之間師也稍人如鄉

縣師也。委人土均如鄉之遺人均人也。而鄉有封人載  
編縣師遂有稍人土均則通公邑都鄙邦國之政。皆舉之  
矣。草人稍人詳稽事養民之原也。土訓誦訓通土俗教民  
之本也。四職所掌。鄉遂都鄙邦國皆有焉。故次于土均之  
後也。若夫山林川澤賦貢之所。出國用賴焉。故自山虞至  
場人十有五職。又次之。冢宰所列九賦九貢之目。盡于此  
矣。賓祭之所。取軍旅喪紀之所供。膳羞祿廩。凡爲九式用  
財者。將于是乎在。故廩人至。橐人職終焉。司徒敷教而教  
職。惟鄉官師保等十數人。其間所指理者。養民之事居多。



先儒疑爲司空之錯簡。是不然。夫先王之世。辨物居方。秀者爲士。樸者爲農。下及工商。各有常居。皆有灋守。使之父以教其子。兄以教其弟。習其耳目而定其心思。閑其道藝。而世其家業。無非以道率民。豈必東膠西序始名教哉。孟子曰。無恆產而有恆心者。惟士爲能。故制民之產。然後驅而之善。若仰無以事。俯無以育。囂然喪其樂生之心。其頑鈍無耻者。固相率而歸于悖戾。不可復制。卽常性未移者。亦頽委靡消沮而不復振。此司徒一篇所以聯教養爲一事。六司空何與。

呂氏曰。周禮一書。若師氏保氏大司樂大胥小胥之類。教不過是國子。當時所謂鄉遂興賢能。在周官三百六十之內。並不見有設教之官。雖是州序黨庠。畧見于周禮。然亦見州序是何人掌之。其廩又何如。蓋凡領六官者。皆是廩之所寓。只緣學校所以教養之意。非簿書期會之可領。學者當識先王之意可也。先王之所以教人者。未嘗有理無事。有體無用。本末亦自備見。但只在官聯官屬之中。舜時命夔典樂教胄子。自教子而外。畧不見其掌教之官。然庶頑讒說。侯明撻記。以至王以納言。時而颺之。如此之備。周人學不領于一屬。然而比年入學。中年考校。一年視離經辨志。以至九年知類通達。強立而不返。謂之大成。至不帥教者。屏之遠方。終身不齒。終始具備。三代以上。所以設教命官。至理精義。要當深取。魏氏校曰。讀天官知周公所以格君。讀地官知周公所以化民。格君非徒過然後諫也。在于漸漬薰陶之。故天官所統。內始于宮闈。凡飲食起居。惟謹焉。化民非徒發然後禁也。在乎寬恤馴擾之。故地官所統。下達于閭里。惟賦役禮俗為重焉。犬抵事上之難。莫大乎君臣之情不通。今也左右前後。習與正人居。所

見皆正事。所聞皆正言。王誰與為不善。馭下之患。莫大乎

難莫大乎君臣之情不通。今也左右前後習與正人處所

見皆正事。所聞皆正言。王誰與為不善。馭下之患莫大乎  
君民之情不通。今也視民如吾子弟。視民之事如處吾家  
事。民亦相率如聽父兄  
之教。自不勞而化矣。

浙 江 圖 書 館

館


江

浙



之類自本後而分矣  
其月夜時幸以總人只  
其凡之謂不而本心賊兄

其月夜時幸以總人只  
其凡之謂不而本心賊兄



浙江圖書館



浙江圖書館


Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17 18 19  
Inches




浙江圖書館





浙江圖書館



Centimetres **TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------